

Ե. Ն. Երեմյան

ՀԱՅԱՍՏԱՆԻ ՏՆՏԵՍԱԿԱՆ ԵՎ ՔԱՂԱՔԱԿԱՆ ԴՐՈՒԹՅՈՒՆԸ
1860—1880 թ. թ.

Քաղաքական այն իրադրությունը, որ ստեղծվեց Հայաստանում 19-րդ դարի առաջին երեք տասնամյակներում տեղի ունեցած ռուս-պարսկական և ռուս-թյուրքական պատերազմներից հետո, էական փոփոխություններ չկրեց հաջորդ տասնամյակներում և հիմնականում պահպանվեց նաև մեզ այստեղ հետաքրքրող ժամանակաշրջանում՝ 1860—1880-ական թվականներին։ Հայաստանի արևելյան և հյուսիսային զավառները, կամ, ինչպես սովորաբար ընդունված է անվանել, Արևելյան Հայաստանը, շարունակեց մնալ ռուսական կայսրության սահմանների մեջ, իսկ արևմտյան և հարավային զավառները՝ Արևմտյան Հայաստանը՝ թյուրք-սուլթանական տիրապետության տակ։ Ղրիմի պատերազմը չբերեց նոր փոփոխություն։ Միայն 1877—1878 թվականների ռուս-թյուրքական պատերազմի հետևանքով թյուրքական տիրապետությունից ազատվեց Կարսը և միացվեց Ռուսաստանին։

Արևելյան Հայաստանը, ինչպես և տմբողջ Անդրկովկասը, համեմատաբար մնայուն վարչական բաժանման ենթարկվեց 1846—1849 թվականներին, Կովկասի առաջին փոխարքա իշխան Միխայիլ Սեմենովիչ Վորոնցովի ժամանակ։ Այդ տարիներին, ինչպես հայտնի է, ցարական կառավարությունն Անդրկովկասում ստեղծեց հինգ նահանգներ՝ Թիֆլիսի, Քութայիսի, Շամախու, Դերբենդի և Երևանի՝ Երևանի նահանգը, որ բաժանվեց Երեվանի, Նախիջևանի, Ալեքսանդրոպոլի, Նոր-Բայազետի և Օրդուբադի զավառների, իր մեջ ընդգրկեց Արևելյան Հայաստանի կենտրոնական և մեծ մասը։ Արևելյան Հայաստանի հյուսիսային շրջաններից Ջալալ-Օղլին, Ախալցխային մասը, Թիֆլիսի նահանգի մեջ, իսկ Ադրբեջանին սահմանակից մի քանի շրջաններ՝ Ջանդեղուր, Ղազախ, Շամշադին՝ Ելիզավետպոլի (Գանձակի) նահանգի մեջ։ 1877 թ. նոյեմբերի 1-ին ցարական կառավարությունը Կարսի և նրա մերձակա այն շրջաններից, որոնք մինչ այդ կազմում էին էրզրումի վիլայեթի երկու՝ Կարսի և Ջըլդրի սանջակները, ստեղծեց վարչական մի առանձին միավոր՝ Կարսի մարզ, որ հետագայում բաժանվեց չորս զավառների՝ Կարսի, Արդահանի, Կաղզվանի և Օլթուի¹ Անդրկովկասի և մասնավորապես Արևելյան Հայաստանի վարչական այս

¹ В. Н. Иваненко. Гражданское управление Закавказья, Тифлис, 1901, էջ 376. 1860 թ. Շամախու նահանգի փոխարեն կազմվեց Բաթլի նահանգը, իսկ թվականի վերջերից ստեղծվեց Դերբենդի, իսկ 1868 թվին՝ Ելիզավետպոլի (Գանձակի) նահանգը (С. Эсадзе. Историческая записка об управлении Кавказом, т. II. Тифлис, 1907, էջ 45)։

² Сборник материалов по русско-турецкой войне 1877—1878 гг. на Кавказско-Малоазийском театре, вып. 1, СПб., 1903, էջ 112.

բաժանումը հիմնականում անփոփոխ մնաց 19-րդ դարի ամբողջ երկրորդ կեսի ընթացքում:

Արևմտյան Հայաստանը, ինչպես և ամբողջ Թյուրքիան, որ մոտ երկու դար շարունակ վարչականորեն բաժանված էր փառայությունների, 1856 թվականի բարենորոգումների՝ Քաթը-Հյումայունի սկզբունքներից բխող 1864 թվականի օրենքի համաձայն, ենթարկվեց նոր բաժանման: Փառայությունների փոխարեն ստեղծվեցին վիլայեթներ: 1870-ական թվականների վերջերին Արևմտյան Հայաստանի տերիտորիան ընդգրկված էր վեց վիլայեթների՝ Վանի, Էրզրումի, Բիթլիսի, Սվազի, Դիարբեքիի և Խարբերդի մեջ¹ Հայկական կիլիկիան բաժանված էր Հալեպի և Ադանայի վիլայեթների միջև:

Մեզ այստեղ հետաքրքրող շրջանում Անդրկովկասի հայ բնակչությունը կենտրոնացած էր գլխավորապես Երևանի, Ելիզավետպոլի (Գանձակի), Թիֆլիսի, Բաքվի նահանգներում և Կարսի մարզում: Պաշտոնական տվյալների համաձայն, 1886 թվականին Երևանի նահանգի բնակչության թիվը եղել է 670.405, որից հայ՝ 375.700, Ելիզավետպոլի նահանգինը՝ 728.943, որից հայ՝ 258.324, Թիֆլիսի նահանգինը՝ 808.143, որից հայ՝ 193.610, Բաքվի նահանգինը՝ 712.703, որից հայ՝ 55.459, Կարսի մարզինը՝ 174.044, որից հայ՝ 33.094: Ամբողջ Անդրկովկասի հայ բնակչության թիվը 1865 թվականին եղել է 540.931 (Անդրկովկասի ամբողջ բնակչության թիվն էր 3.115.164 մարդ)² 1874 թվականին՝ 711.960³ 1886 թվականին՝ 939.131 (Անդրկով-

¹ 19-րդ դարի առաջին կեսին Արևմտյան Հայաստանի տերիտորիան ընդգրկված էր Կարսի, Էրզրումի (Կարինի), Բայազեդի, Վանի, Մուշի և մասամբ Դիարբեքիի ու Սվազի փառայությունների մեջ: Հիշված բոլոր փառայությունները մտնում էին Էրզրումի սերաթ-սերաթյան (փոխարքայության) մեջ և վարչականորեն ենթարկվում էին նրան (տես Ղ. Իսմիրյան—Աշխարհագրութիւն չորից մասանց աշխարհի, մասն 1-ին, Վենետիկ, 1806 թ. История военных действий в Азиатской Турции в 1828 и 1829 годах, часть 1-я, СПб., 1836, էջ 70. 12-րդ դարի երկրորդ կեսի աղբյուրներում հիշված են Դիարբեքիի, Սվազի, Էրզրումի, Վանի, Չրիզի, Մառաշի, Տրապիզոնի և Կարսի փառայությունները (տես Ricaut, Histoire de l'état present de l'Empire Ottoman, Paris, 1670, էջ 161):

² Արևմտյան Հայաստանի վարչական բաժանումը հաճախ փոփոխվում էր: 1880 թվականին փառայություն ունեին հետևյալ վիլայեթները: Էրզրումի, Մեմուրեթ-Ուլ Ադիգի (Նոր-Մուրթա, Ադիյաման, Արաբկիր և այլն), Դեր-Բիթլիսի, Վանի, Հեթյումի, Դիարբեքիի, Սվազի, Իսկ 1880 թ. Բիթլիսի, Վանի, Էրզրումի, Դիարբեքիի, Մեմուրեթ-Ուլ Ադիգի և Հեթյումի (Ջուլիսի, Բաշկալա և այլն) վիլայեթները (տես՝ А. И. Гиппиус, Статистические таблицы вилаетов Турецкой империи, ближайших к Закавказью, Тифлис, 1889, էջ 6, 11—14):

³ Свод статистических данных о населении Закавказского края, извлеченных из посемейных списков 1886 г. Издан по распоряжению Главного начальства, Гражд. частью на Кавказе Закавказским Статистическим комитетом, Тифлис, 1893 г. Այս աշխատության էջերը չեն նշանակված: Մի այլ աղբյուրի տվյալներով՝ Կարսի մարզի բնակչության ընդհանուր թիվը 1882 թվականին եղել է 151 720, որից հայ՝ 31.518 (տես «Карс», 1883, № 7):

⁴ Сборник статистических сведений о Кавказе, изд. Кавказским отделом имп. Русского географич. о-ва, том I. Сост. и изд. под ред. действ. члена Отдела И. И. Воронова. Тифлис, 1869, II отд., էջ 20—21.

⁵ Сборник сведений о Кавказе на основании камерального описания 1871—1874 г.г., т. VII, Тифлис, 1881.

կասի ամբողջ բնակչության թիվն էր 4.702.898 մարդ),¹ 1897 թվականին՝ 1.086.980 մարդ։ 1881 թվականի ավյալներով ուսումնական կայսրության մեջ ապրող հայերի թիվը կազմում էր Անդրկովկասում 820.753, Հյուսիսային կովկասում՝ 39.700, կայսրության մնացած մասերում՝ 56.536 մարդ։²

Արևմտյան Հայաստանի և ընդհանրապես թյուրքիայի տիրապետության տակ ապրող հայ բնակչության թվի մասին մենք չունենք ճշգրիտ տեղեկություններ։ Սուլթանական կառավարությունը ոչ միայն մտահոգված չէր դրանով, այլև ամեն կերպ աշխատում էր, քաղաքական հասկանալի պատճառներով, դադարեցնել աշխարհում պահել իրական ավյալները, թյուրքական պաշտոնական շրջանները մի քանի անգամ հրատարակեցին թվական ավյալներ, բայց դրանք խիստ աղավաղված և սխալ էին։ Համեմատաբար հավասար տեղեկություններ տվել է Կ. Պոլսի հայ պատրիարքարանը, որը 1882 թվին ավյալներ հրապարակեց թյուրքիայում ապրող հայ բնակչության թվի վերաբերյալ։ Այդ ավյալների համաձայն՝ թյուրքական տիրապետության տակ գտնվող հայերի ընդհանուր թիվը կազմում էր 2.660.000 մարդ, ընդ որում՝ Վանի վիլայեթում՝ 400.000, Սվադի վիլայեթում՝ 280.000, Խարբերդի վիլայեթում՝ 270.000, Բիթլիսի վիլայեթում՝ 250.000, Դիարբեքիլի վիլայեթում՝ 150.000, Էրզրումի վիլայեթում՝ 280.000, Կիրիկիայում (Ադանայի և Հալեպի վիլայեթներ)՝ 380.000, Ասիական թյուրքիայի մնացած մասերում՝ 455.000, Եվրոպական թյուրքիայում՝ 195.000։³

Նույն շրջանում՝ 1880-ական թվականների սկզբներին Ռուսներն ժակմենը

¹ Свод статистических данных о населении Закавказского края...

² Первая всеобщая перепись населения Российской империи 1897 г. Спб., 1905. ամս. Անդրկովկասին վերաբերող 1—8 հատորների աղյուսակները, 1897 թվականի մարդահամարի ավյալները սխալ մեկնարանելու հետևանքով «Մուրա»-ի աշխատակիցը Անդրկովկասի հայ բնակչության թիվը հաշվում էր 1.300.000 (ամս. «Մուրա», 1903 թ. № 3, էջ 112)։ Սխալ է նաև Ա. Ն. Սադոնովը, որը Անդրկովկասի հայ բնակչության թիվը 1896 թվականին հաշվում էր 985.460 (ամս. Братская помощь армянам, 2-е изд., М. 1898, էջ 234)։

³ Ա. Երիզյան, «Ռուսիո Հայոց վիճակագրությունը (ամս. «Փոքր», 1881 թ. № 2)։

⁴ «Արարատ», Էջմիածին, 1914 թ., № 9, էջ 808։ Եվրոպացի ուսումնասիրողների ավյալներով՝ 1840-ական թվականներին թյուրքիայի տիրապետության տակ գտնվող հայերի թիվը կազմում էր 2.400.000, որից եվրոպական թյուրքիայում 400.000, իսկ Ասիական թյուրքիայում՝ 2.000.000 (ամս. Положение армян в Турции до вмешательства держав 1895 г., М. 1896, էջ 8)։ Կ. Մարքսը ևս 1854 թվականին գրած իր հոդվածներից մեկում Օսմանյան կայսրության մեջ եղած հայերի թիվը հաշվում էր 2.400.000 (К. Маркс и Ф. Энгельс. Сочинения, т. X, էջ 10)։ Մկրտիչ Բեյ Դադյանը թյուրքահայաստանի հայերի թիվը 1870-ական թվականների սկզբներին հաշվում էր 3.400.000, որից 130.000 մարդ՝ Կ. Պոլսում (ամս. Мкртич бей Дадиан, Армяне Османской империи. Пер. с франц. в. Тер-Акопова, Тифлис, 1878)։

Կ. Պոլսի հայ պատրիարք Ներսես Վարժապետյանի կողմից Բեյլիկի կոնգրեսին ներկայացված հուշագրում թյուրքահայաստանի հայերի թիվը հաշվվում էր 3.000.000, որից 400.000-ը եվրոպական թյուրքիայում ու Կ. Պոլսում, 600.000-ը Փոքր Ասիայում և Կիրիկիայում, 870.000-ը Փոքր Հայքում (Սվադի վիլայեթ և Կեսարիայի սանջակ) և 1.300.000-ը Մեծ Հայքի թյուրքական մասում (Էրզրումի, Վանի վիլայեթները, Դիարբեքիլի վիլայեթի հյուսիսային մասը, Արդահանի սանջակը և Սղեբդի սանջակի հյուսիսային մասը)։ Տես. «Եվրոպիկ կազմակերպական կանոնագրի Օսմանյան Հայաստանի», Կ. Պոլս, 1878, էջ 30։

պարսկահայերի թիվը հաշվում էր 200.000-ից մինչև 225.000, Հնդկաստանում, Յավայում և Զինաստանում գտնվող հայերի թիվը՝ 40.000, Ավստրալուստանում՝ 30.000, Արևելյան և Արևմտյան Եվրոպայում, Ամերիկայում և Աֆրիկայում՝ 97.000 մարդ¹

Տնտեսական դարգացման ինչ մակարդակի վրա էր գտնվում Հայաստանը մեզ այստեղ հետաքրքրող ժամանակաշրջանում։ Արևելյան Հայաստանը, ինչպես և Անդրկովկասի մյուս մասերը՝ Վրաստանն ու Ադրբեյջանը 1860—1880-ական թվականներին ապրում էին ֆեոդալիզմի, հին նահապետական կյանքի քայքայման և կապիտալիստական հարաբերությունների ձևավորման շրջան։ Անդրկովկասյան ժողովուրդների պատմության այս էտապը փայլուն կերպով բնորոշել է Վ. Ի. Լենինը իր «Կապիտալիզմի դարգացումը Ռուսաստանում» հայտնի գրքում։ Լենինը գրում էր, որ 1870—1880-ական թվականներին արդեն Կովկասը ներգրավվեց համաշխարհային ապրանքաշրջանառության մեջ, ավելի աճեցին շուկայական հարաբերությունները, ուժեղացավ երկրի բնատնտեսության քայքայման պրոցեսը, սկսեց կազմակերպվել արդյունաբերական կապիտալիզմը, շեշտոքորմյան դարաշրջանում,—գրում էր Լենինը,—մի կողմից Կովկասը սաստիկ դադարացման էր ենթարկվում... Մյուս կողմից՝ տեղի էր ունենում բնիկ դարավոր «տնայնագործական» արհեստագործությունների դուրսագումար, որոնք Մոսկվայից ներմուծվող ֆարրիկատների մրցման հետևանքով ընկնում էին։ Ընկնում էր գենքի հինավուրց արտադրությունը՝ Տուլայից և Բելգիայից ներմուծվող ապրանքների մրցման շնորհիվ, ընկնում էր երկաթի տնայնագործական մշակումը՝ ներմուծվող ռուսական արտադրանքի մրցման շնորհիվ, նմանապես ընկնում էր պղնձի, ոսկու և արծաթի, կավի, ճարպի, սոդայի, կաշիների տնայնագործական մշակումը և այլն։ Ռուսական կապիտալիզմը Կովկասը ներգրավում էր համաշխարհային ապրանքային շրջանառության մեջ, համահարթում էր հինավուրց, նահապետական ինքնավար փոփոխության մնացորդ հանդիսացող նրա տեղական առանձնահատկությունները, իր գործարանների համար շուկա էր ստեղծում... Կովկասի ուժեղ դադարացման պրոցեսին ու նրա հողագործական բնակչության արագ աճմանը զուգընթաց տեղի էր ունենում նաև բնակչության՝ հողագործությունից կտրվելու և արդյունաբերության մեջ քաշվելու պրոցեսը... Կովկասի քաղաքային բնակչությունը 1863 թվի 350.000-ից աճեց մինչև 900.000-ի 1897 թվին...»²

Կապիտալիզմի դարգացման համար զգալի չափով նախադրյալներ ստեղծեցին մի կողմից՝ ագրարային-գյուղացիական ռեֆորմը Անդրկովկա-

¹ „Положение армян в Турции...“, էջ 11. Ֆրանսիացի գրող և հանապարհորդ Մ. Ուրբիշինին 1854 թվականին հայերի թիվը հաշվում էր Օսմանյան կայսրության մեջ՝ 2.400.000, Ռուսաստանում՝ 900.000, Պարսկաստանում՝ 600.000, Հնդկաստանի և Ասիայի այլ երկրներում՝ 40.000, Եվրոպայում՝ 50.000 (Արարատ, 1914 թ., № 2, հմտ. Արար, 1913 թ., № 13)։ Վենետիկի Միթոպոլիսի միտոպոլիս Մ. Քաջունին 1857 թ. հրատարակած իր աշխատություններից մեկում հայերի թիվը հաշվում էր Պարսկաստանում՝ 100.000, Եվրոպական թյուրքիայում՝ 400.000, Ավստրիայում՝ 18.000, Աֆրիկայում և Հնդկաստանում՝ 10.000, Եվրոպայի այլ և այլ կողմերում 1000 (տես Վ. Մ. Վ. Քաջունի, «Աշխարհագրություն հին և նոր Հայաստանի», Վենետիկ, 1857, էջ 230)։ Քաջունու տվյալները խիստ թերի ու պակասավոր են։

² В. И. Ленин. Сочинения, изд. 3-е, т. III, էջ 463—464.

սում և մյուս կողմից՝ ճանապարհային շինարարությունը, որ կատարվեց 1860- 1880-ական թվականներին, Ազրաբային-գյուղացիական ռեֆորմը, որը իրականացնող օրենքներն ընդունվեցին Վրաստանի համար 1864 թվականին, իսկ Հայաստանի և Ազրբեջանի համար 1870 թվականին, չնայած իր շատ թերություններին ու անհետևողականությանը, ուներ բուրժուական բովանդակություն և ստեղծում էր կապիտալիստական հարաբերությունների զարգացման համար մի շարք անհրաժեշտ նախադրյալներ¹։ Նույն իմաստով զգալի դեր խաղաց ցարական կառավարության կողմից ձեռնարկված ճանապարհային շինարարությունը, ինչպես հայտնի է, 1871— 1872 թվականներին կառուցվեց Թիֆլիս—Ղարաքիլիսա—Ներևան խճուղին, ապա Ներևան—Ջուլֆա, Ղարաքիլիսա—Ալեքսանդրոպոլ, Ալեքսանդրոպոլ—Կոզր և Նախիջևան—Դորիս խճուղիները²։ 1872 թվականին գործարկվեց Թիֆլիս—Փոթի երկաթգիծը, որն առաջինն էր Անդրկովկասում։ 1883 թվականին շահագործման հանձնվեց Բաքու—Բաթում գիծը, 1899 թվականին պատրաստ էր Թիֆլիս—Ալեքսանդրոպոլ—Կարս գիծը³։

Կապիտալիստական հարաբերությունների զարգացումը սկսվեց նախ և առաջ գյուղատնտեսության մեջ, որի հետևանքով և աշխուժացան ապրանքափոխանակային հարաբերությունները գյուղում, ուժեղացավ գյուղացիության քայքայման և շերտավորման պրոցեսը, լայն գործունեություն ծավալեց վաշխառուական կապիտալը, հրապարակ եկավ գյուղի հարուստ, ուռճացած շերտը և սկսեց աստիճանաբար իր ձեռքում կենտրոնացնել հողային ֆոնդը և իշխող դիրք գրավել գյուղում⁴։ Գյուղական կյանքում առաջացած այս նոր երևույթների պատճառով գյուղացիության մի զգալի մասը զրկվեց հողից, անասուններից և բոնեց պանդխտության ճանապարհը։ 1895 թվականին Ներևանի նահանգի հողագուրկ գյուղացիության թիվը կազմում էր 5211 մարդ (1209 գյուղացիական ընտանիք)⁵։ Այդ նույն տարիներին Երևանի գավառի ցանք չունեցող գյուղացիների թիվը կազմում էր 36 տոկոս։ Իսկ բանող անասուններից զուրկ գյուղացիներին⁶ 37 տոկոս։ 1884 թվականին Զանգեզուրի գավառից պանդխտության են դիմել մոտ 3000 գյուղացի, 1893 թվականին Նոր-Բայազեդից հեռացել են

¹ Проф. В. Рштуни. Крестьянская реформа в Армении. («Տեղեկագիր» ՀՍՍՌ ԳԱ. Հասարակական գիտությունների սերիա, 1946 թ., № 3, էջ 36)։

² Сборник сведений о Кавказе, т. I, Тифлис, 1871, էջ 9։

³ И. Адлер. Железнодорожное строительство на Кавказе (газ. «Кавказ», Тифлис, 1912, № 97, էջ 2)։

⁴ Գյուղում վաշխառուների կողմից կատարված հարստամորթությունների մասին Գ. Տեր-Մելիք-Եղեկյանը գրում էր. «Գյուղացիք պարտք են վերցնում աներևակայի մեկուկեսից, 16—36 տեղսր համարվում է տանելի, 10 ուրլուց մասկան 30 կողեկ (տարեկան 36 տեղս) սովորական երևույթ է։ Սակայն լինում է նաև մեկ ուրլուց մասկան 3 կողեկ՝ այսինքն տարեկան 60 տեղս... փառաբանության պայմաններն էլ՝ ավելի ծանրանում են, երբ պարտքատերը գալիս է ոչ թե վերսիւղ, այլ բերքը նախապես ծախելու պայմանով։ Այդ ժամանակ գյուղացին ստիպված ծախում է իր գալիք բերքը այն պնով, որ կրթեման համարվել վաշխառուն։ Այսպիսով՝ գործնա՛նը խղաղի խովորը (30 փուլ) ծախում են 8 ուրլի, մինչդեռ աշնանը նրա սովորական գինը 63—30 ուրլի է» (Գ. Տեր-Մելիք-Եղեկյան, «Նվեր Ժյուսիք գյուղացիներին», Թիֆլիս, 1879 թ., էջ 16)։

⁵ О. Семен. Великая годовщина. Киев, 1911, էջ 30։

1347 մարդ, իսկ 1894 թվականին՝ Մեծ Ղարաքիլիսայից՝ 1900 մարդ,¹ Պանդխտության դիմող հայ գյուղաբնակիչները ղենում էր գլխավորապես Բաքու, Թիֆլիս, Բաթում և Երրեմե էլ Ռուսաստանի կենտրոնները:

Գյուղատնտեսության մեջ կապիտալիստական հարաբերությունների զարգացմանը խթանեց նաև այն հանգամանքը, որ արդեն 1860-ական թվականների վերջերից սկսած ռուսական կապիտալը մուտք գործեց հայկական գյուղը: Այսպես՝ 1872 թվականին ղեներալ Կախանովը պետությունից 65 տարով կապալով վերցրեց Արագչայան տափաստանի տասնյակ հազարավոր հեկտար հողերը, ստեղծեց կապիտալիստական խոշոր տնտեսություն և մշակեց բամբակ ու հացահատիկային կուլտուրաներ:² 1880-ական թվականներին Հայաստանի գյուղերում երևացին Մոսկվայի, Վարշավայի, Թիֆլիսի, և Ռուսաստանի արդյունաբերական այլ կենտրոնների բուրժուազիայի ներկայացուցիչները, ովքեր աշխատեցին իրենց արդյունաբերության համար հումուլթ մատակարարող բազաներ ստեղծել Հայաստանի գյուղերում: Այսպես, օրինակ, 1880-ական թվականների սկզբներին Ռուսաստանի անքստիլ արդյունաբերության խոշոր ներկայացուցիչներից մեկի՝ կապիտալիստ Սավվա Մորոզովի գործակալները բամբակ մթերելու նպատակով հատուկ գրասենյակներ բաց արին Երևանի նահանգում:

Գյուղատնտեսության մեջ կապիտալիստական հարաբերությունների զարգացման հետևանքով նշանակալից չափով զարգացան մի շարք կուլտուրաներ և, առաջին հերթին, բամբակի կուլտուրան: Բամբակի արտադրությունը Երևանի նահանգում հետևյալ պատկերն է ունեցել. 1861 թվին արտադրվել է 30.000 փութ բամբակ, 1870 թվին՝ 270.000, 1889 թվին՝ 508.764 փութ բամբակ:³ Արագ տեմպերով զարգացել էր նաև այգեգործությունը և, մասնավորապես, խաղողագործությունը: Այսպես, եթե Երևանի գավառի խաղողի այգիների տարածությունը 1870 թվականին հավասար էր 2890 դեսյատինի,⁴ ապա 1897 թվականին այն կազմում էր 8467 դեսյատին:⁵ Չարգացել էր նաև ծխախոտի կուլտուրան: 1896 թվականին Երևանի նահանգից ստացվել է 7231 փութ 6 ֆունտ ծխախոտ:⁶

Կապիտալիզմի զարգացումը տեղի ունեցավ ոչ միայն գյուղատնտեսության մեջ, 1860—1880-ական թվականների շրջանը բնորոշ է նաև այն տեսակետից, որ այդ ժամանակաշրջանում ծնունդ է առնում և կազմավորվում արդյունաբերական կապիտալիզմը ինչպես ամբողջ Անդրկովկասում, այնպես էլ Արևելյան Հայաստանում: Կապիտալիստական արդյունաբերության առաջին ձեռնարկություններն Անդրկովկասում հիմնվեցին դեռևս 1860-ական թվականներին: Անդրկովկասի պատմության այդ շրջանը կա-

¹ С. Заваров. Опыт исследования сельского хозяйства... Эриванской губернии и Карсской области, Тифлис, 1899, էջ 264, 285.

² М. Сагатево. Экономические очерки Эриванской губернии и озеро Гокча, Тифлис, 1879, էջ 9.

³ И. Петрович. Хлопководство в Закавказьи, Тифлис, 1913, էջ 11—12.

⁴ Г. Данилович. Аракская равнина. Сборник. Разд. „Район Тифлиско-Карско-Эриванской ж. д. в экономическом и коммерческом отношении“. Тифлис, 1897, էջ 690—698.

⁵ Сборник статистических данных о землевладении и способах хозяйства в пяти губерниях Закавказского края. Под ред. Е. Кондратенко, Тифлис, 1899, էջ 95.

⁶ Նույն տեղը:

բելի է անվանել արդյունաբերական հեղաշրջման շրջան։ Սակայն, ի բաց առյալ Բաքուն, ուր կապիտալիստական արդյունաբերությունը զարգացավ խիստ արագ տեմպերով, Անդրկովկասի արդյունաբերության զարգացումը, ամբողջությամբ վերցրած, ընթանում էր դանդաղ։ Առանձնապես դանդաղ էր զարգանում արդյունաբերությունը Հայաստանում, ուր մեղ հետաքրքրող շրջանում փաստորեն ստեղծվեցին կապիտալիստական արդյունաբերության միայն երկու կենտրոններ՝ Ալավերդին և Ջանդեղուրը։ Ալավերդու պղնձահանքերը մինչև 1887 թվականը շահագործում էին հույն հանքագործները, իսկ դրանից հետո՝ ֆրանսիական ակցիոներական ընկերությունը։ Ալավերդու պղնձաձուլարանների տարեկան արտադրանքը եղել է 1861 թվականին 4807 փուլ, 1871 թվականին՝ 7325 փուլ, 1900 թվականին՝ 19.682 փուլ պղինձ։¹ Ջանդեղուրի պղնձաձուլարանների արտադրանքը եղել է 1858 թվականին 2485 փուլ, 1873 թվականին՝ 10.147 փուլ, 1887 թվականին՝ 15.312 փուլ, 1900 թվականին՝ 51.783 փուլ պղինձ։² 1880-ական թվականներից սկսած Հայաստանում իմնվեցին արդյունաբերական ձեռնարկություններ նաև բամբակի, գինու, կոնյակի, մետաքսի ու կաշվի արտադրության գծով։

Զգալի չափով ընդարձակվեց և՛ ներքին, և՛ արտաքին առևտուրը, ծավալվեց դրամական շրջանառությունը։ Անդրկովկասի բուրժուազիան մշտական կապեր հաստատեց Ռուսաստանի, Արևմտյան Եվրոպայի երկրների և ապա Պարսկաստանի ու Թուրքիայի առևտրական կենտրոնների հետ։ Խե ինչպիսի զարգացում է ունեցել Անդրկովկասի առևտուրը, այդ մասին վկայում են հետևյալ թվերը։ 1862—1866 թվականների ընթացքում Անդրկովկասի առևտրի տարեկան շրջանառությունը, միջին հաշվով, կազմում էր 11.815.891 ռուբլի, 1872—1876 թվականների շրջանում՝ 14.139.270 ռուբլի, իսկ 1886 թվականին՝ 39.264.547 ռուբլի։³

Հարաճուն առևտուրը խոշոր ազդեցություն թողեց արհեստավորական արտադրության վրա։ Ռուսաստանից ու եվրոպական երկրներից ներմուծվող արդյունաբերական ապրանքները շուկայից աստիճանաբար դուրս էին մղում տեղական արհեստավորական արտադրանքը, որը ի վիճակի չէր մրցելու համեմատաբար մարձրորակ և էժանագին ներմուծվող արդյունաբերական ապրանքների հետ։ Սրա հետևանքով արհեստավորները կանգնեցին փակուղու առաջ և ընկան տնտեսական ծանր դրության մեջ։ Համաքարություններն սկսեցին քայքայվել։ Արհեստավորության մի զգալի մասը թողնելով արհեստները, աշխատանքի ընդունվեցին գործարաններում և արդյունաբերական այլ ձեռնարկություններում։ Համաքարությունների քայքայման այս շրջանում տեղի ունեցան համաքարական ելույթներ, որոնցից առանձնապես նշանավոր է Խիֆիսի հայ համաքարների 1865 թ. ելույթը։

¹ „Кавказский календарь“ за 1861, 1871, 1900.

² О. Карапетян. Краткий очерк развития горного дела на Кавказе. Тифлис, 1901, էջ 14.

³ Краткий очерк экономического положения Кавказа по новейшим официальным и другим отчетам. Тифлис, 1888, էջ 12.

⁴ 1870 թվականին Երևանում համաքարությունների մեջ բնագրկված էին 2081 արհեստավոր (վարպետներ ու աշակերտներ), համաքարություններից դուրս՝ 270 արհեստավոր (տե՛ս С. А. Егузаров. Исследования по истории учреждений в Закавказьи. Часть 2. Казань, 1891, էջ 264)։

Կապիտալիզմի զարգացման տեմպերի մասին որոշ զազափար կարող են տալ նաև քաղաքային բնակչության աճին վերաբերող տվյալները: 1865 թվականին Բաքուն ուներ բնակիչներ 14.715, 1897 թվականին՝ 112.252 բնակիչ: Թիֆլիսը 1875 թվականին ուներ 67.770 բնակիչ, իսկ 1897 թվականին՝ 160.643 բնակիչ: Համեմատաբար դանդաղ էին աճում Հայաստանի քաղաքները: 1865 թվականին Երևանն ուներ 14.070 բնակիչ, 1886 թվականին՝ 17.738, իսկ 1897 թվականին՝ 29.023 բնակիչ: Ալեքսանդրոպոլը 1865 թվականին ուներ 16.814 բնակիչ, 1886 թվականին՝ 24.230, իսկ 1897 թվականին՝ 32.230 բնակիչ:¹

Անդրկովկասի կապիտալիստական զարգացման գործում նշանակալից դեր խաղաց հայ բուրժուազիան, որ մինչև 1860-ական թվականները դադարում էր բացառապես առևտրով: Հայ առևտրական բուրժուազիայի մի մասը 1860-ական թվականներից սկսած անցավ արդյունաբերական գործունեության: Թողնելով առևտրական օպերացիաները, նա հիմնեց ֆաբրիկաներ, գործարաններ և արդյունաբերական այլ ձեռնարկություններ: Նոր ձևավորվող արդյունաբերական հայ բուրժուազիան կենտրոնացավ գլխավորապես Հայաստանից դուրս՝ Բաքվում, Թիֆլիսում և Իսթանբուլում: Հայաստանում նա կապիտալ ներդրեց Չանգեդուրի պղնձարդյունաբերության մեջ: Հայ արդյունաբերական բուրժուազիան կուտակեց խոշոր կապիտալներ: Նա փաստորեն յուր ձեռքում կենտրոնացրեց Իսթանբուլում արդյունաբերության մեջ: Նրան էին պատկանում ծխախոտի գրեթե բոլոր գործարանները: 1879 թ. Բաքվում շահագործվում էր 295 նավթահոր, որոնցից 155-ը պատկանում էր հայ բուրժուազիային: 1876 թ. վիճակագրական տվյալներով՝ Թիֆլիս քաղաքի առևտրականների ընդհանուր թիվն էր 6851, որից հայ՝ 4249: Նույն տվյալներով՝ Թիֆլիսում արդյունաբերական գործով զբաղվողների ընդհանուր թիվն էր 13.137 մարդ, որից հայ՝ 5919 մարդ:² 1890-ական թվականներին Թիֆլիսի առևտրական-արդյունաբերական ձեռնարկությունների 62 առկոսը հայ բուրժուազիային էր պատկանում: Ընդհանուր առմամբ՝ թե առևտրական բուրժուազիան և թե արդյունաբերական բուրժուազիան իշխող դիրք ունեին Անդրկովկասի տնտեսական կյանքում: Այս հանգամանքի շնորհիվ նրանց դերը խոշոր էր նաև երկրի հասարակական-քաղաքական կյանքում:

Սակայն կապիտալիստական զարգացման այն պրոցեսները, որ մենք նշեցինք վերևում, ի վիճակի չեղան, այնուամենայնիվ, խոշոր անդաշտներ կատարելու տնտեսական կյանքում և փոխելու երկրի տնտեսական դեմքը: Արևելյան Հայաստանը, ինչպես և ամբողջ Անդրկովկասը, ոչ միայն 1860 — 1880-ական թվականներին, այլև ավելի ուշ, հետագա տասնամյակներին, շարունակեց նսալ որպես հետաձևաց ագրարային երկիր՝ ֆեոդալական-ճորտատիրական հարաբերությունների բազմաթիվ մնացորդներով: Ընկեր Ստալինը Անդրկովկասի մասին 1918 թվականին գրում էր. «Անդրկովկասի մեկ ուրիշ ոչ պակաս բնորոշ գիծը նրա տնտեսական հետաձևացությունն

¹ Փ. Махаришви. Очерки революционного движения в Закавказьи. Тифлис, 1927, էջ 43:

² Сборник сведений о Кавказе. Под ред. Н. К. Зензица, т. VI. Тифлис, 1880, էջ 229:

է. Եթե չհաշվենք Բաքուն, երկրամասի այդ արդյունաբերական ռազիսը, որին շարժում է գլխավորապես արտասահմանի կապիտալը, ապա Անդրկովկասը ներկայացնում է մի ագրարային երկիր, ավելի կամ պակաս դարդացած առևտրական կյանքով՝ ծայրամասերում, ծովերի ափերին և դուռնորտատիրական կացութիւնով՝ դեռևս ամուր մնացորդներով՝ կենտրոնում¹։

Ոչ 1870 թվականի ագրարային-դուրգադիական ռեֆորմը, ոչ էլ ձևավորվող ու դարդացող կապիտալիզմը չկարողացան վերացնել ֆեոդալական հարաբերությունները և Հայաստանի, ինչպես և ամբողջ Անդրկովկասի աշխատավորական-դուրգադիական հոծ մասսաները մեղ ալյուտեղ հետաքրքրող ժամանակաշրջանում՝ 1880 - 1880-ական թվականներին, կանգնած էին բուրժուա-դեմոկրատական ռևոլուցիայի խնդիրները լուծելու անհրաժեշտության առաջ։ Նշված ժամանակաշրջանի հիմնական հարցը ագրարային-դուրգադիական հարցն էր²։ Դասակարգային պայքարի առանցքը կազմում էր դուրգադիական մասսաների պայքարը ֆեոդալական հարաբերությունների և դրանց սլաշտպան ցարիզմի դեմ։ Այս տեսակետից էական տարրերություններ չկային Ռուսաստանի և Անդրկովկասի միջև։ Ընդուն է սոցիալ-տնտեսական դարդացման տեսակետից Անդրկովկասն ավելի հետամնաց էր, քան Ռուսաստանը։ Կապիտալիստական դարդացման երեւթյունները Ռուսաստանում ավելի զարգացած էին, քան Անդրկովկասում։ Սակայն այդ տարրերությունները քանակական էին, բայց ոչ որակական։

Տնտեսական-հասարակական դարդացման անհամեմատ ավելի ցածր մակարդակի վրա էր գտնվում Աբխազյան Հայաստանը։ Այստեղ իշխող հասարակական ձևը ֆեոդալիզմն էր, որ ապրում էր քայքայման թույլ պրոցես։ Սուլթանական կառավարության 1834 թվականի հոգային ռեֆորմը, որ նպատակ ուներ վերացնել ռազմա-ֆեոդալական խոշոր հողատիրությունը

¹ И. Сталин. Закавказские контрреволюционеры под маской социализма. „Правда“. М., 1918. №№ 15 и 66.

² Ֆեոդալական հարաբերություններն առկա էին գլխավորապես այն պարագիւր հարաբերությունների մեջ, որոնք ստեղծվեցին կալվածատիրական դուրգադիական և կալվածատեր հողատերերի միջև 1870 թ. մայիսի 14-ի դուրգադիական ռեֆորմից հետո։ Կալվածատիրական դուրգադիական, որի թիվը Անդրկովկասում կազմում էր մոտ 170.000 (այսինքն՝ ամբողջ դուրգադիական 26 առկասը)։ Ֆեոդալական բազմաթիվ պարագիւրություններ էր կառուցում կալվածատիրոջ համար, ժամանակավոր կախյալ անվճար այդ դուրգադիական վրահի մեջ փոփոխություններ առդի ունեցան միայն 1912 թ. գեկեմեմբերի 30-ի որենքով։ Գեռական դուրգադիական, որի թիվը Անդրկովկասում, մոտավոր հաշիվներով, կազմում էր 560.000, իրավաբանորեն ազատ էր ֆեոդալական պարագիւրություններից, սակայն առևտրական կախման մեջ ընկնելով կալվածատերերից (պեռական դուրգադիական մի գլխի մասը հողատեղական պատեմով կապով հոգ էր վերցնում կալվածատերերից)։ Անխառն փոխություններ ընդգրկվում էր ֆեոդալական հարաբերությունների ցանցի մեջ։ Հայաստանի մի շարք գավառներում տիրող ֆեոդալական հարաբերությունների մասին հետաքրքիր տեղեկություններ են հայտնում ժամանակակիցները (տես՝ «Материалы для изучения экономического быта государственных крестьян Закавказского края», т. I, часть 2, Тифлис, 1886, էջ 208)։

³ Հողի խիստ պակասություն էր գրում թե պեռական և թե կալվածատիրական դուրգադիականը։ Հողային ֆեոդի լավագույն և խառնազույն մասը կենտրոնացած էր կալվածատեր-հողատերերի ձեռքում։ Այսպես, օրինակ, թիֆլիսի Նահանգի Բորչալու գավառի հողերի 72,9 առկասը գտնվում էր կալվածատերերի ձեռքին (Арзрумский-Долго-руков. Борчаллинский уезд. Сборник. „Разд. Район Тифлиско-Каресско-Эриванской ж. д. в экономич. и коммерческом отношении“, Тифлис, 1897, էջ 64)։

և դրանով իսկ թուլացնել կենտրոնախույս ուժերը, զրկել չկիրառվեց Արևմտյան Հայաստանի այն մասերում, ուր իշխող քյուրդ շեյխերն ու բեյերը կիսանկախ էին և միանգամայն թույլ կապեր ունեին կենտրոնական կառավարության հետ։ Նույն բախտին արժանացան նաև 1839 թվականի Քաթիբ Շերիֆը, 1856 թվականի Քաթիբ Հյուսյունը, 1876 թվի սահմանադրությունը և թանգիմաթ ազդարարող սուլթանական մյուս հրովարտակները։ Քյուրդ ավատական դասը տնտեսական ու արտատնտեսական անսահմանափակ շահագործման էր ենթարկվում գյուղացիական դանդաղածներին, որոնք գերադանցապես կազմված էին հայ բնակչությունից։ Քյուրդ ֆեոդալների համար դոյուլթյունն չունեին նորմաներ։ Քյուրդ կամ թյուրք բեյերը, աղաները կամ դերբեյները գյուղացուն շահագործում, հափշտակում, նրանից վերցնում էին այնքան, որքան իրենք էին ցանկանում։ Քյուրդացի ֆեոդալի համար կոռ ու բեկար էր կատարում։ Տղամարդիկ նրա համար տներ, բերքեր ու ձանապարհներ էին կառուցում, իսկ կանայք՝ տնային աշխատանք կատարում։ Արևմտյան Հայաստանի որոշ մասերում և մասնավորապես Մուշի, Բիթլիսի ու Վանի գավառներում, հայ գյուղացիությունը գտնվում էր ճորտական վիճակում։ Այս մասին մինք ունենք բազմաթիվ վկայություններ, որ թողել են մեզ ժամանակակիցներն ու ականատեսները։ Բերենք մի քանի վկայություններ։ Կ. Պոլսում հրատարակվող «Մասիս» լրագրի 1872 թվականի համարներում հրատարակվեց Մուշից գրված մի թղթակցություն, ուր ասված էր. «Մերառնյա դաս մը ժողովուրդ, որ է Բռնաշեն, Ի Քուլթ, Ի Սասուն և Ի Շատախ գավառներ, քյուրդերու հետ խառն կրնակվին։ Նոցա զլխավորներուն որ խաֆիր կսվին, ճորտ լինելով, ամենադառն կենցաղ վիճակված է։ Դաս-դաս նոցա բաժին եղած, յուրաքանչյուրն իբրև հպատակ և սեփականություն համարված, տարեկան տուրք կուտան խաֆիրներուն... Այս մարդակեր դադան խաֆիրներ՝ ինքնագլուխ և ապստամբ վիճակի մեջ լինելով, իրենց ճորտ հայերը կանամբ և որդովք, շարժական և անշարժ կավածքներով իրարու ծախելու սովորություն ունին, և երբ իրարու դեմ կատաղին կամ թշնամանան, յուրաքանչյուրն իրենց հպատակ հայերին բռնությամբ առաջինն ձեռնելով, իրարու սահման կասկատակեն, մանավանդ հայոց գյուղերու վրա հարձակվելով, կկողոպտեն, կվիրավորեն, կսպանեն և կվերադառնան տեղերնին... Դերիի տեր խաֆիրներ, երբ մարդ ծնանելու լինին, հանձն յուր ճորտի տունեն՝ կառավար և ոչխարով աչքալուսի պիտի երթան, աղայի ղեկստացու պիտի տանեն, այնինչ հայոց մեկ կանգամ կանայք ձեռքերով իրենց կուրծքը ծածկելու աղքատ վիճակի մեջ կգտնվին։ Երբ պատանեկության հասնին, դենք պիտի պատրաստեն անոր։ Հինայելու ատենը, դալան (բաշլըղ) պիտի տանին հարսնացու ծնողաց, և հարսանքաց պիտույք պիտի պատրաստեն։ Եթե մեռած էլ պատահի, ոչխար, յուղ, պանիր և այլն տանելով՝ կմխիթարեն զխաֆիրները։ Բայց ընդհանուր ազդության նախատինք այն կետն է, որ նահապետացն հայոց պարկեշտության առաջատի հույսը և սրբության քոզի ներքև սնված աղջիկներ այսօր հուանի եղած, խաֆիրներու տան մեջ, իբրև հարս՝ օրերով ձավարը, կորկոտը շինելու, լաթը լվանալու և կարկառելու սպասարկություն կրնեն՝ լռին արտասովելով և անոնց կըլկըլի արտերը քաղհանելու շաբաթներով

կաշխատին մերկ անձամբ և բոքիկ ոռամբ, արևակեղ և առթաւար
եղած»¹

Արևմտահայ գյուղացու ճորտական վիճակի մասին իր ժամանակ գրել
է նաև Գ. Պոլսի հայ պատրիարք Ներսես Վարժապետյանը։ Սուլթանական
կառավարութեանն ուղղված իր մի բողոքագրի մեջ, ուր մանրամասնորեն
նկարագրված էին Արևմտյան Հայաստանի գավառներում կատարվող հա-
րժստահարությունները, Վարժապետյանը խոսելով Մոկս գավառի մասին,
գրում էր, թե՝ «Դուրս գայե՛ր գյուղացի հայերն իրենց մեջ իբրև դերի կվա-
ճառեն»²։ Այսօրինակ փաստերի մասին հայտնում էին նաև Կարեգին Սրվանձ-
տյանը,³ Պողոս Ժ. Վ. Նաթանյանը,⁴ Ֆրանսիացի հրապարակախոս Մուլու-
ժանը⁵ և ուրիշները։ Արևմտահայ գյուղացու ճորտական վիճակը շարունակ-
վում էր գեոևս 1890-ական թվականներին և ավելի ուշ՝ 20-րդ դարի սկզբը-
ներին։ 1890-ական թվականներին Արևմտյան Հայաստանում ուղևորություն
կատարած անգլիական նշանավոր ճանապարհորդ և աշխարհագրագետ Լինչը
մոտիկից ծանոթանալով Արևմտյան Հայաստանում տիրող դրությանը, գրում
էր. «Ճորտական իրավունքը անհայտ չէ այս երկրի համար... Ճորտ հայերը
հայտնի են Չեր-կուրի անվան տակ, որ նշանակում է ոսկով գնվածներ։
Եվ իսկապես նրանք գնվում և վաճառվում են՝ քուրդ քիյերի ու աղաների
կողմից, ճիշտ այնպես, ինչպես որ գնվում և վաճառվում են ոչխարն ու
տավարը։ Միակ տարբերությունն այն է, որ այդ մարդիկ չեն կտրվում
իրենց հողից և վաճառվում են այն հողի հետ միասին, որը որ նրանք
մշակում են»⁶։ 1903 թվականին խոսելով արևմտահայերի գրության մա-
սին, Ֆրանսիական պառլամենտի սոցիալիստական պարտիայի առաջնորդ
Ֆրանսիս Պրեսանսեն ասում էր, որ արևմտահայ գյուղացիները քյուրդերի
ձեռքին «ժառանգական ստրուկներ դարձել են»⁷։ Այդ նույն շրջանի արև-
մտահայ գյուղացիության վիճակի մասին՝ այդ հարցն ուսումնասիրողնե-
րից մեկը գրում էր. «Քաֆիրառու քյուրդ աղաները վարվում են հարկատու
գյուղացիների հետ, ինչպես ստրուկների հետ, այսինքն ծախում են, գնում
են նրանց իբրև ապրանք»⁸։

Սակայն ճորտական իրավունքը տիրում էր Արևմտյան Հայաստանի
ոչ բոլոր մասերում։ Երկրի այն գավառներում, ուր ռեալ իշխանություն

¹ Մատիս, 1872, № 1239։ Այս նույն թղթակցության մեջ ասվում էր, որ յուրա-
քանչյուր առև խաֆիրին առին է այնքա քան ցորեն, մեկ պաճար, հինգ ոչխար, երկու լիտր
յուղ, երկու օխա ծխախոտ, մեկ լիտր շորթան, շորս լիտր աղ, մեկ շալվար, մեկ գույգ
զանդապան, մեկ գույգ գուլպա, մեկ գույգ խոնջան, մեկ գույգ գոգնեցի ժապավեն, երկու
ունկի վառար, երկու ունկի կապար, երկու ունկի կանեփ, հինգ ունկի ձեթ, հինգ հաս պու-
տուկ, երկու շերեփ, երեսուն գդալ, շորս թի, երկու կողով, վեց ցախավել, մեկ գանակ,
շորս հավ, երկու աքաղաղ, առա սարակ, վեց աբոբ, 1243 դուռուչ սաակ և առեն երկու
անգամ ունեցած ոչխարաց կաթ, գարնան պանիր շինելու և աշնան մածուն բռնելու համար։

² Անենագրութիւնք Հայոց ժողովոյ, Գ. Պոլիս, 1876, էջ 226։

³ Պատեգին Վ. Սրվանձտյանց, «Հնոց և նորոց», Գ. Պոլիս, 1874, էջ 179։

⁴ Պողոս Ժ. Վ. Նաթանյան, «Արատուր Հայաստանի կամ տեղեկագիր Բալուա, Քարքեր-
դու, Չարանջակի, Օսպաղչուրի և Երզնկայու», Գ. Պոլիս, 1883, էջ 36։

⁵ Fr. Mulligent. La Turquie sous la regne d'Abdul-Aziz, Paris, 1868, էջ 168։

⁶ X. Փ. Բ. Լուկչ. Армения. Путевые очерки и этюды. Пер. с англ. Е. Дамун-
ковской, т. II, Тифлис, 1910, էջ 354։

⁷ «Հայաստան և Մեկեղանի», Ժընև, 1903 թ., էջ 40։

⁸ Ե. Թոփչյան, «Երիտասարդ թյուրքիան և հայերը», Թիֆլիս, 1909 թ., էջ 39։

ունենին կենտրոնական կառավարության օրգանները և ուր այսպես թե այնպես կիրառվել էին թանգիմաթի օրենքները, գյուղացին իրավականորեն ազատ էր և սեփականատիրական իրավունքով օգտվում էր հողից: Արևմտյան Հայաստանի այդ մասերում գոյություն ունենին հողատիրության երեք հիմնական ձևեր. 1. պետական, 2. վազուֆային, 3. մասնավոր (մյուլթային):¹ Առաջին և երկրորդ կարգի հողերը պատկանում էին պետությանը, սուլթանական պալատին, տոհմային բարձրաստիճան պաշտոնյաներին և մզկիթներին ու մահմեդական հոգևորականությանը: Երրորդ կարգի հողերն այն հողերն էին, որոնք որպես սեփականություն պատկանում էին կալվածատեր բեգերին, աղաներին և գյուղացիներին: Սուլթան Աբդուլ Մեջիդի 1858 թ. հրատարակած օրենքի համաձայն, հողի մասնավոր սեփականության իրավունքից կարող էր օգտվել միայն նա, ով որ ուներ պետության կողմից հաստատված կալվածագիր՝ թափու: Բեգերից ու աղաներից բացի՝ այդ թափուներից ուներ նաև արևմտահայ գյուղացիության մի զգալի մասը: Դրանցից մի մասը, որ հողագուրկ էր, կիսահորատական պայմաններով աշխատում էր բեգերի ու աղաների հողերի վրա:

Հողագուրկ այդ գյուղացիությունը կոչվում էր մարաբա: Մարաբա գյուղացու հիմնական տիպն այն գյուղացին էր, որը գուրկ է ամեն ինչ՝ և՛ հողից, և՛ սերմից, և՛ լծկանից, և՛ գործիքներից... Այսպիսի մարաբան վերցնում է աղայից հողը, սերմը, լծկանը, գործիքները և բերքի 2/3-ը տալիս է աղային, իսկ միմիայն 1/3-ը իրեն վերցնում... Նախքան բերքի կտրվելը վճարվում է կառավարության հասանելիք տասանորդի տուրքը... Մարաբան դեպի աղան ունի մի շարք պարտականություններ, որոնք համախառնված են նրա համար, քան նույնիսկ իր աշխատանքի արդյունքի 2/3 մասի վճարելը: Մարաբան պարտական է կատարել աղայի տնային ու դաշտային աշխատանքները... Եթե աղայի ընտանիքը գյուղումն է գտնվում, մարաբայի կինն ու աղջիկը պարտավոր են կատարելու աղայի տան կարը, լվացքը, դործվածքներ և այլ աշխատանքները: Այս ձևի օլաժական աշխատանքները որևէ նորմայի կամ չափի տակ չեն մտնում, այլ այդ աշխատանքների քանակը, որակը և տեսակը կախված է աղայի կամքից... Աղան նայում է մարաբայի վրա իբրև մի գրաստի, ոտքի տակ տալով նրա մարդկային բոլոր արժանիքները:² Բժվար չէ եզրակացնել, որ մարաբա գյուղացիությունը, որը, ի դեպ ասած, իր մեջ ընդգրկում էր հավասարապես թե հայ և թե թյուրք գյուղացիներին, կիսահորատական վիճակ էր ապրում: Մարաբա գյուղացու վիճակը ճորտ գյուղացու վիճակից տարբերվում էր միայն նրանով, որ առաջինը ամրացված չէր հողին և իրավականորեն ազատ էր: Նա կարող էր աշխատել այնտեղ, որտեղ ինքը ցանկանում էր:

¹ Գ. Վարդանյան, «Հողատիրությունը թյուրքիայում» (տե՛ս Մուրճ, Թիֆլիս, 1893 թ., № 5, էջ 771, 772, հմմտ. Հ. Մուրադյան, «Ճորտատիրությունը թյուրքիայում» (տե՛ս Մուրճ, 1899, № 10):

² Ա. Պա. Վանի, Բիթլիսի և Էրզրումի վիլայեթները, Երևան, 1912 թ., էջ 285:

³ Մարաբայան էությունը մի շարք ուսումնասիրողներ հիշա չեն հասկացել: Այսպես, օրինակ, Գեղամ Տեր-Կարապետյանը սխալ է կատարում, երբ գրում է. «Մարաբայանը լուծկի վրա գրած փոխ տալու գրությունն է: Դրան ավել և տոնդը միանգամայն միջոց կկոչվին» (տե՛ս Գեղամ Տեր-Կարապետյան, «Հայերի հարցը հայաբնակ եանանդներու մեջ», Գ. Պալա, 1910 թ., էջ 29):

Խիստ ծանր էր հաև հողային սեփականություն ունեցող գյուղացիության վիճակը։ Այս կարգի գյուղացին ուներ սեփական հող, իրավաբանորեն ազատ էր ֆեոդալական պարտավորություններից։ Սակայն այդպես էր միայն թղթի վրա։ Իրականում գրությունն այլ էր։ Արևմտյան Հայաստանում միանգամայն ոտնահարված էին իրավական նորմաները։ Օրենքներին փոխարինում էին բեգերի, աղաների, ինչպես և խաֆիրների, թոռունների ուժը, կամայականությունը և ցանկությունը։ Իրավացի էր թյուրքական կառավարության բարձրաստիճան պաշտոնյաներից մեկը, որը կառավարությանն ուղղած իր պաշտոնական ղեկուցագրերից մեկում խոսելով Արևմտյան Հայաստանի մասին, գրում էր. «Այս կողմերը ռուս իրավունքին կհալթանակեն, բռնապետական պատգամը իր իմաստի ամբողջությամբ կտիրապետե... Դյուղացիներու հողը, կայքը, ընտանի անասունները, մինչև իսկ պատիվներն ու կյանքերն են աղայի քմահաճության ենթակա են»¹։ Իրավականորեն ազատ և սեփականատեր համարված գյուղացին մշտապես ենթակա էր անլուր ճնշումների, հալածանքների ու հետապնդումների։ Ամեն մի քիչ թե շատ ուժեղ բեգ, աղա կամ թոռուն կարող էր առանց դժվարության խլել գյուղացիների հողը, տունը և կայքը։ 1870-ական թվականներին, երբ քրդական վերնախավը իր օրավուր աճող տնտեսական պահանջները բավարարելու համար սկսեց հողային մեծ կուտակումներ կատարել, արևմտահայ գյուղացիության հողերի բռնագրավումը ստացավ մասսայական կերպարանք։ 1874—1876 թ.թ. ընթացքում գավառական հարստահարությունների մասին Կ. Պոլսի հայ պատրիարքարանի կողմից կազմված տեղեկագրերը բերում են հարյուրավոր օրինակներ, որոնք պերճախոս կերպով ցույց են տալիս, թե ինչպես քյուրդ և թյուրք բեգերը, աղաներն ու մյուս կարգի ֆեոդալները խլում են գյուղացիների հողերը, կալվածները և դրանք իրենց սեփականություն հայտարարում։ Ավելին, քրդական ղեկավարներն ու աշիրաթապետները գրավում էին ամբողջ գյուղեր, դուրս քշելով այնտեղից նրանց բնակչությունը և սեփականացնելով նրանց ամբողջ հողային հարստությունը։ Այդ տեղեկագրերում զետեղված ցուցակներից պարզվում է, օրինակ, որ միայն 1874 թվականի ընթացքում Վանի գավառում հողային հափշտակություններ են կատարվել 160, իսկ Դարբենքերի վիլայեթում՝ 110 հայկական գյուղերում²։ Այդ հողային բռնագրավումները հետագա շրջաններում ավելի մեծ ծավալ ստացան³։

Գոյություն ունեցող օրենքների համաձայն, իրավականորեն ազատ գյուղացին պետք է բազմաթիվ և բազմատեսակ հարկեր վճարեր պետությանը⁴։ Սակայն պետական «օրինական» այդ հարկերից բացի՝ գյուղացին

¹ Ատուր, «Պետական վերանորոգությունն ու հողային հարցը», Կ. Պոլս, 1910 թ., էջ 8—9։ Մի ուրիշ հեղինակ գրում է, թե «Տաճկաստանի մեջ օրենքը մեռած առո է միայն, և կառավարությունը հայանի համարձակ կոլաշապանն ժողովրդի հարստահարիչներին» (Մ. Պ. Վինչի օրենքը Տաճկաստանում, Մարսել, 1889 թ., էջ 9)։

² «Տեղեկագիր գավառական հարստահարությանց», Կ. Պոլս, 1876, էջ 28—36։

³ «Տեղեկագիր հողային գրավման հանձնաժողովու», տե՛ս Ա. Կ. Պոլս, 1910 թ., էջ 1—11։

⁴ Պետական գլխավոր հարկերն էին՝ 1. աստանորդ—աշար, 2. հողային, 3. առևտրական, 4. գինվորական, 5. գալոցական, 6. մառանգական, 7. ճանապարհների, 8. աղի, մեռաքսի և ձխախոտի, 9. գրոշմաթղթի, 10. մաքսային հարկ, 11. ոչխարների և մանր կենդանիների գլխաուրբ, 12. շենքերի տուրք և 13. զանազան ուրիշ տուրքեր սառաֆներից, խանութ-

վճարում էր նաև ապօրինի, օրենքով չնախատեսված հարկեր: Զինվորական ուժ ունեցող քրդական վերնախավի ներկայացուցիչները, որոնք կոչվում էին *ոռուներ*, դեմքի ուժով ստիպում էին գյուղացիության, որպեսզի նա իրենց ես հարկեր վճարի: Անպաշտպան գյուղացին ստիպված էր լինում կատարել այդ պահանջը, որովհետև հակառակ դեպքում քրդական հրոսակախմբերը կոչնչացնեին նրա ամբողջ ընտանիքը, ավերի և թալանի կմատնեին նրա կայքն ու գույքը: Քյուրդ թոռուներ ղեկավարող ձեռնադրի ալդ պահանջին, գյուղացին պարբերաբար վճարում էր այն ամենը, ինչ որ պահանջում էր քյուրդ ազնվականը: Այս ապօրինի հարկահանությունը, որ կոչվում է խաֆիրություն,¹ խիստ մեծ ծանրություն էր գյուղացու համար: Թյուրքական կառավարությունը ոչ ցանկություն և ոչ էլ կարողություն ուներ կովելու այդ երևույթի դեմ:

Մենք արգեն ասացինք, որ Արևմտյան Հայաստանում 19-րդ դարի ամբողջ երկրորդ կեսին և դեռ ավելի ուշ շրջանում իշխում էին ֆեոդալական հարաբերությունները: Սակայն չի կարելի չնկատել այն փաստը, որ արգեն 1870-ական թվականներից սկսած Արևմտյան Հայաստանում աշխուժանում են ապրանքա-փոխանակային հարաբերությունները: Արևմտյան Հայաստանի մի շարք գավառներում վաճառքի հանվեցին մեծ քանակությամբ անգլիական ապրանքներ: Ներքին առևտրի զարգացման վրա որոշ ազդեցություն թողեցին նաև առևտրական տարանցիկ ճանապարհները, մասնավորապես այն ճանապարհը, որը Տրապիզոնը միացնում էր Բայազետի և ապա Պարսկաստանի հետ:² Առևտրական այդ ճանապարհի շնորհիվ կարինը դարձավ առևտրական նշանավոր կենտրոն: 1879 թվականին Թիֆլիսում

դաններից, կառապաններից, որսորդներից, գենք կրգերից և այլն (աես Сборник географических, топографических и статистических материалов по Малой Азии, Вып. №6, СПб., 1898, էջ 55): Գ. Խաժակի ավյալներով՝ կային հետևյալ հարկերը. 1. գլխահարկ, 2. ասն, 3. հողային, 4. ճանապարհների, 5. զբաղմունքի, 6. ամուսնության, 7. կենդանիների, 8. երկրագործական (առանձնորդ—աշար), 9. մասանդություն, 10. ապահովության և 11. պետական պատանական հարկեր (աես՝ Խաժակ—Հարկերը Տաճկահայաստանում, Բաքու, 1903 թ., էջ 23): Մասավորապես նույն ավյալներն էր երում Լ. Սարգսյանը (աես՝ Լևոն Սարգսյան—«Այց Թուրքաց Հայաստանին», Թիֆլիս, 1906, էջ 83): Գետական պատանական հարկերն այս կամ այն պատճառով հավաքվող միանվագ հարկերն էին: Այդ կարգի հարկերը հաճախ հավաքում էին նաև արքունական շինությունների և փոքրի տեղափոխության համար (աես՝ Արձանագրություն ազգային մոգովոյա, 1871 թ., 4. Գուլիս, էջ 31): 1867 թվականին Զար սանճակի հայ բնակիչները 4. Գուլիս հայ պատրիարքին ուղղած իրենց նամակում ասում էին, թե իրենք հարկ են վճարում ննջեցյալներին գերեզմանոցում թաղելու համար, այսպես չի թույլատրվում որևէ թաղում կատարել: Թյուրք փաշաները, ասված է նամակում, «Մեր ննջեցյալները գերեզմանատուն չթողուցին ամփոփել թե երկիրը մերն է» (ՀԱՍԻ Մասենադարան, արխիվ, կաթող, գիվան, 1887 թ.: թղթապանակ 202, փաստաթուղթ 549):

¹ Գեղամ Տեղ-Վարապետյան—Հողային հարցը հայաբնակ նահանգներում մեջ, 4. Գուլիս, 1911, էջ 64—65:

² Նույն աես, էջ 32. Խաֆիրությունը շատ հաճախ հորատական վիճակ էր ստեղծում գյուղացիության համար (աես «Մասիս», 1872 թ., 1239):

³ Արևմտյան Հայաստանում 19-րդ դարի երկրորդ կեսին արվող հարկերի շափի ու նրանց զանձման սխառածի մասին աես՝ Ա. Դե—«Վանի, Բիթլիսի և Էրզրումի վիլայեթները», էջ 282—302 և Կ. Խաժակ—Հարկերը Տաճկահայաստանում, էջ 20—91:

⁴ Բայազետը այն կետն էր, որի վրայով անցնում էր Թյուրքիայից Պարսկաստան անող միակ առևտրական ճանապարհը.—գրում էր Մ. Ի. Բուդանովիչը (աես՝ М. И. Бодунович. Восточная война, 1853—1856 г.г., изд. 2-е, т. 1, С. Петербург., 1877, էջ 87):

կարգացած իր մի դասախոսություն մեջ Գրիգոր Արծրունին ասում էր, որ էրզրումում, մինչև 1877—1878 թվականների ռուս-տաճկական պատերազմը, «Սոստանդնուպոլսից եկող ապրանքը պատահում էին Պարսկաստանից անցնող անմշակ հում բերքերի հետ: Այնտեղ թափվում էին, նույնպես ամեն կողմերից, Հայաստանի թե բնական բերքեր և թե հայ ազգաբնակչության ձեռքերի վաստակը, աշխատասեր հայի և հայունու արդյունապորժությունները: Այսպիսով թե բնիկ և թե օտարական առևտրականները, նույնպես և պարսիկ, հույն, ևրբիմն էլ եվրոպացի վաճառականներ հավաքվելով էրզրումի մեջ, տալիս էին այդ քաղաքին կյանք և առևտրական նշանակություն»¹:

Առևտրա-փոխանակային հարաբերությունների զարգացման հետևանքով երևան եկավ վաշխառուական կապիտալը: Սոցիալական քայքայման պրոցես ապրեց գյուղը, ուժեղացավ պանդխտության հոսանքը: Սոսելով այս հարցերի կապակցությամբ Արևմտյան Հայաստանի գավառներում տիրող դրության մասին, Գ. Սրվանձությանը 1880 թվականին գրում էր. «Այժմ այս վիճակի մեջ ուրիշ բան չկա ժողովրդյան մեր գավառները, բայց միայն պարտք առնուել, մուրհակ տալ, զրավ դնել իր անասունն, իր արտն, իր պարտեզն, իր տունն և ի լրանալ պայմանին, անտրտունջ թողուել ազոնք և մեկնել: Պարտքով կվճարե տիրության հարկը, պարտքով կզեն իր ընտանյաց ապրուստն ու հագուստն, պարտքով դատ կվարե... պարտքով պանդխտության ճամբու ծախքը կնոգա, պարտքով հարսանիք կընե, պարտքով եվրոպայե եկած կոնյակին և իքսիրին գինը կվճարե»²: «Փորձա-ի թղթակիցներից մեկը խոսելով Վանի և նրա հարևան գավառների գյուղացիության դրության մասին, գրում էր. «Վայ այն գյուղացուն, որ անբերության կամ մի հարսանիքի և կամ մի այլ արտաքու կարգի ծախուց պատճառով ստիպվում է մի ամենափոքր գումար վեր առնել տուկոսով, կամ ապառիկ ապրանք գնել: Այս փոքրիկ գումարը զանազան դարձվածներով քիչ ժամանակի մեջ այնպիսի արագության մեծանում, որ այլևս սովորական նրան վճարելն անհնար է լինում, ուստի խեղճ գյուղացին յուր հողն ու տավարը չվճառելու կամ գեթ ամբողջը չվճառելու համար ստիպված է յուր գերգաստանից մի կամ ավելի հողի կ. Պոլիս կամ մի այլ մեծ քաղաք ուղարկել, որպեսզի դրամ շահին և ազատեն իրենց կալվածք: Դժբախտաբար այսպիսի դրամառություն և հետևաբար պանդխտությունը հաճախ է պատահում»³: Արևմտահայերի պանդխտության, որպես սոցիալական մի մեծ շարժի մասին խոսել է գեոևս Միքայել Նալբանդյանը: Իր գլուխ-գործոցի մեջ նա գրում էր. «... Ազգը օրըստօրե թողնում է յուր երկիրը և կենտրոնանում է քաղաքներում: Աղքատությունը ստիպում է նորան թողուել յուր տունը, յուր ընտանիքը, յուր ամուսինը, յուր զավակները և գնալ Պոլիս: Կամ այլ քաղաք աղքատությունից ազատվելու համար»⁴: Մուշ գավառի 1880-ական թվականների դրության մասին ժամանակակիցներից մեկը գրում էր. «Մշո աշխարհ 25 տարիեն մարդ չմնար, վարիպություն կավրե մեր աշ-

¹ Գրիգոր Արծրունի, «Թուրքաց հայերի առևտրական դրությունը (հրապարակական դասախոսություն, կարգացված 1879 թ. մարտի 25), Խիֆիս, 1894 թ., էջ 6:

² Գ. Ս. Սրվանձության, «Թորոս աղբար», Կ. Պոլիս, 1884, էջ 67:

³ «Փորձ», 1879 թ. մարտ, էջ 65—66:

⁴ Միլ. Նալբանդյան, «Երկրագործությունը որպես օւղիղ ճանապարհ», Երևան, 1930 թ., էջ 73:

խարհ... Կիսրարն ու վաշխառությունն, իբրև ժանտախտ Մշո աշխարհն ի կորուստ մատնած են և եթե այդպես շարունակվի, այդ բարեբեր և ընդարձակ դաշտը անախորժ բուերու վայր մը դարձած տեսնելու դժբախտությունն պիտի ունենամք:՝ «Վաճառականը կզաղթե, երկրագործը կզաղթե, արվեստավորը կզաղթե, բանվորը կզաղթե, մեկ խոսքով՝ ամենքը կզաղթեն և Հայաստան կճնան շատ տեղ միայն ձերբեր, կիներ, մանկունք», — գրում էր Մ. Մամուրյանը 1881 թվականին: Պանդխտության հարցի վերաբերյալ «Արմենիա»-ն 1889 թվականին գրում էր. «Մուշի, Վանի, Բիթլիսի և էրզրումի հայ գյուղացիք քառասուն տարի ի վեր կպանդխտին: Հորումն հետե շոգենավը և եռավոր երկրներ մոտեցուց Հայաստանի մերձավոր նահանգներին՝ Տրապիզոնին. ալ մեր գյուղացիք թոչնոց նման երամբեր կազմելով աշխարհներ այց ելնել սկսան»:¹ Գ. Պոլսի հայ պատրիարքարանի տվյալների համաձայն՝ միայն Գ. Պոլսում սեպտեմբեր աշխատանքով զբաղվող հայ պանդուխտների թիվը 1870-ական թվականների վերջերին կազմում էր 30.000 մարդ:՝ Դյուդի աղքատացման պրոցեսը Արսեն Թոխմախյանը կապում էր քաղաքների հետ՝ «Որքան որ գյուղերը մոտ են քաղաքներին, — գրում էր նա, — այդ չափով էլ ավելի խիստ ենթարկված են քաղաքացոց հարստահարությանց և ավելի շատ աղքատ են»:²

Առևտրա-փոխանակային հարաբերությունների զարգացման հետևանքով հայ առևտրական կապիտալն ուժեղացավ Վանում, Իրզրումում, Բայազեդում և Արևմտյան Հայաստանի այլ կենտրոններում: Սակայն հայ առևտրական բուրժուազիան գործում էր գլխավորապես Արևմտյան Հայաստանից դուրս՝ Գ. Պոլսում ու Թյուրքիայի ծովափնյա մյուս քաղաքներում:³ Մեծ այսպեզ հետաքրքրող տարիներին՝ 1860—1880 թվականներին Արևմտյան Հայաստանում չստեղծվեցին արդյունաբերական քիչ թե շատ աչքի ընկնող ձեռնարկություններ, չկազմակերպվեց արդյունաբերական բուրժուազիա: Սակայն, այնուամենայնիվ, երկրի տնտեսության մեջ առաջ եկան իրենց էությունով կապիտալիստական պրոցեսներ, որոնք սկսեցին, թեև թույլ և դանդաղ կերպով. քայքայել բնատնտեսությունը և ճեղքել բացել ֆեոդալական տիրող պարզերի մեջ:

Ապրանքա-փոխանակային հարաբերությունների զարգացման հետևանքով ավելացավ արևմտահայ գյուղացիությունից պանդխտ հարկերի չափը: Հարկերի այն քանակը, որ նա վճարում էր 1840—1850 թվականներին, մի քանի անգամ ավելացավ մեզ այստեղ հետաքրքրող շրջանում: Հարկերի չափը ավելացրին ե՛րթուրքական կառավարությունը, և՛ քյուրդ խաֆիներն: Այսպես, օրինակ, 1830—1850-ական թվականներին աշարը ստացվում էր միայն ցորենից ու գարուց, իսկ երկրագործական մյուս արտա-

¹ «Հանդես գրական և պատմական», գիրք Ա, Մոսկվա, 1888 թ., էջ 225.

² Մ. Մամուրյան, «Անկիթական նամականի կամ հայու մը հակառակորդ», Ձմյուններ, 1881 թ., էջ 200: Մամուրյանը, իհարկե, չափազանցում էր փաստերը:

³ «Արմենիա», Մոսկվա, 1889 թ., № 3.

⁴ Ա. Թոխմախյան, «Մահալ լեռների հարավային սաբոթները», Թիֆլիս, 1882 թ., էջ 14—17.

⁵ «Մրադիր կազմակերպական կանոնագրի Օսմանյան Հայաստանի», Գ. Պոլս, 1878 թ., էջ 28.

⁶ Է. Դ. Մամրյան, «Թյուրքահայոց հին վաճառականությունը և վաճառականք», Գ. Պոլս, 1909 թ., էջ 44—45.

գրանքների վրա չէր տարածվում: Այգիները, բանջարանոցները նույնպես աղաս: էին աշարից: Չկային ճանապարհային, մենավաճառության և այլ հարկեր: Ավելին, 1835 թվականին ղինվորական տուրքը սահմանված էր 15 դահեկան, 1870-ական թվականների վերջերին՝ տարեկան 37,5 դահեկան: 1840—1850 թվականներին աշարը կազմում էր երկրագործական արդյունքի $\frac{1}{10}$ -ը, իսկ 1890-ական թվականներին՝ $\frac{1}{3}$ -ը: 1870-ական թվականներին յուրաքանչյուր ոչխարի կամ այծի համար վճարվում էր մեկ դահեկան, իսկ 1890-ական թվականներին՝ 4,5 դահեկան:¹

Սուլթանական կառավարության կողմից դանձվող ծանր հարկերը մի կողմից, քուլդ և թյուրք բեգերի, աղաների և ղերեբեյների անլուր հարուստահարութիւնները մյուս կողմից, ինչպես նաև՝ ապրանքափոխանակային հարաբերութիւնների դարգացման հետևանքով առաջացած վաշխառուական կապիտալը տնտեսական խիստ ծանր կացութիւն էին ստեղծում Արևմտյան Հայաստանի գյուղացիութեան համար: Գյուղացիական հոծ զանգվածներն ապրում էին քայքայման և աղքատացման պրոցես: Որոշ գավառներում գյուղացու աղքատութիւնը հասնում էր ծայր աստիճանի: Մ. Խրիմյանը 1871 թվականին, երբ նա վարում էր Կ. Պոլսի հայ պատրիարքի պաշտոնը, աղգային ժողովում Արևմտահայաստանի գավառների գրության մասին արտասանած իր ճառերից մեկում ասում էր. «Այնպիսի տեղեր գտնված եմ, ուր մեռնող մարդուն համար քանի մը կանգուն կտալ չգտնվեցավ և քիչը մը խոտի մեջ պատեցին խեղճ մարդուն ու թաղեցին: Դուք տեսնո՞ւ եք այնպիսի խեղճ կին, որ իր գավակին պատանք չգտնա և իր պատուտած հագուստեն կտոր մը պատուե ու գավակը պատանեն»:

Ինքնին հասկանալի է, որ Արևմտյան Հայաստանում տիրող իրադրութեան մեջ գյուղացիական մասսաների առաջ օրեկտիվորեն գրված էր սոցիալ-տնտեսական մի հիմնական խնդիր. վերացնել ֆեոդալիզմը, ազատվել ճորտական և կիսաճորտական վիճակից: Հակաֆեոդալական, բուրժուազեմոկրատական բուլանդակութիւն ունեցող այդ հարցն էր, որ հուզում էր արևմտահայ գյուղացիութեանը: Եվ իսկապես այդ հարցի լուծման ուղղութեամբ էլ ընթանում էր նրա սոցիալ-դասակարգային պայքարը: Սակայն, ինչպես կտեսնենք հետագայում, սոցիալ-դասակարգային այդ պայքարն

¹ Գ. Խաժով, «Հարկերը Տաեկահայաստանում», Բաքու, 1903, էջ 93—95.

² Այժմ միայն զարմանքով կարելի է կարդալ մեր բանասերներից մեկի խիստ անդեմնացող այն հոդվածը, ուր փորձ է արվում ցույց առնել, որ «...յուրքացի գյուղը նախապատերազմական շրջանում (այսինքն մինչև 1877—1878 թ. թ. Մ. Ն.) բավական ուժեղ նյութական բաղա է ունեցել (տես «Նորք», Երևան, 1926 թ., գիրք Ա, էջ 163)»: Անկասկած է, որ այդ պատերազմից հետո գյուղացիութեան անասական դրութիւնը ծանրացավ. բայց որ մինչ այդ էլ արևմտահայ գյուղացիութեանն ապրում էր ծանր, աղքատ վիճակում, այդ ես ակնհայտ է: Այս բանում համազգելու համար բավական է ծանոթանալ ժամանակի մամուլին, ուր բերված են մեր միաքն ապացուցող հարյուրավոր և հազարավոր օրինակներ: Ընդհանրապես պետք է ասել, որ գրականութեան մեջ արտահայտվել է միանգամայն կեղծ այն պնդումը, թե մինչ 1877—1878 թվականների առաջին տարիքական պատերազմը արևմտահայերի դրութիւնը բարձր է եղել և թե միայն այդ պատերազմից հետո է, որ սկսվում են հալածանքներ ու ճնշումներ հայերի նկատմամբ: Բնորոշ է, որ այս անսակեռի հեղինակներից մեկը ոչ անհայտ Ջամալ փաշան է՝ 1914—1916 թվականների հայկական ջարդերի կազմակերպիչներից մեկը (Записки Джемаль пашы. Тифлис, 1922).

³ «Անանագրութիւնք աղգային ժողովոյ», Կ. Պոլս, 1871 թ., էջ 898.

արևմտահայ իրականություն մեջ անխուսափելիորեն ստանում էր ազգային-ազատագրական պայքարի ձև։

1860—1880 թվականների հայ իրականության պատկերը չի կարելի տալ առանց խոսելու այն ազդային ճնշումների մասին, որոնց ենթակա էր ինչպես Արևմտյան, այնպես էլ Արևելյան Հայաստանը։ Ցարիզմի ազգային-զաղութային քաղաքականությունը Արևելյան Հայաստանում, ինչպես և ամբողջ Անդրկովկասում, արտահայտվեց հետևյալ հիմնական ուղղություններով. 1. Արևելյան Հայաստանը դարձնել անտեսական շահագործման օբեկտ, գլխավորապես հումույթ մատակարարող երկիր։ 2. Արևելյան Հայաստանում ստեղծել ուսական զաղութներ։ 3. Արգելակել, խափանել հայ ժողովրդի կուլտուրական զարգացումը։ Ցարիզմը իր ազդային-զաղութային այս քաղաքականությունն իրականացնող միջոցառումները սկսեց կիրառել սկզբից ևեթ՝ Արևելյան Հայաստանը Ռուսաստանին միացնելու առաջին իսկ տարիներին։ Սակայն այդ միջոցառումները խստացան և ցարիզմի ազգային քաղաքականությունը դադարի չափով ուժեղացավ 1880-ական թվականներին։ Նարոդովոլեցների 1881 թ. մարտի 1-ի տեղորոշական ակտից հետո դա՛ քարձրացած Ալեքսանդր III, հենվելով իր ունեցած մինիստրներ Պրեզնդենտի, Տոլստոյի վրա՝ արշավանք սկսեց ոչ միայն ուսական ուղղություն-դեմոկրատական տարրերի ու հոսանքների, այլև կայսրության մեջ ընդգրկված փոքր ազգությունների դեմ։ Ռուսական մեծապետական շովինիզմը ավելի մարտական բնույթ ստացավ։ Նոր հալածանքներ սկսվեցին հայ ինտելիգենցիայի նկատմամբ, խիստ հսկողության տակ առնվեց պարբերական մամուլը, խստացավ գրաքննությունը։ Կուլտուր-կրթական և բարեգործական ընկերությունները դիտվեցին որպես կասկածելի կադակերպություններ. պետական պաշտոններից հեռացվեցին բազմաթիվ հայ գործիչներ։ Սակայն ցարական կառավարությունը առանձնապես խիստ հարձակում կատարեց հայ դպրոցների դեմ։ Համարելով այդ դպրոցները որպես հայկական կուլտուրայի զարգացման, ժողովրդական լուսավորության և ազգային ինքնաձայնաչության գլխավոր օջախներ, ցարական կառավարությունը որոշեց ոչ միայն թուլյալ չտալ հայկական դպրոցների ցանցի հետագա զարգացումը, այլև փակել եղածները։ Այս հարցը ցարական մինիստրների հատուկ քննության առարկա դարձավ 1883 թվականին։ Հաջորդ տարին այս խնդրով զբաղվեցին ներքին գործոց մինիստր դրաֆ Դիմիտրի Տոլստոյը, լուսավորության մինիստր «հայագիյ» Դելյանովը և Կովկասի այն ժամանակվա կառավարչապետ Իլխան Ա. Իոնդուկով-Վորսակովը։ Սրանք հայկական դպրոցների համար 1884 թվականի փետրվարի 16-ին ընդունեցին մի կանոնադրություն, որը մեծ չափով սահմանափակում էր հայկական դպրոցների ցանցը և զրկում էր այդ դպրոցները իրենց ազգային դեմքից։ Այդ կանոնադրության համաձայն՝ հայկական դպրոցների մեծ մասը պետք է դրվեր խղճուկ վիճակի մեջ և պիտի առնվեր ցարական կառավարության անմիջական և ուժեղ հսկողության տակ։ Փետրվարի 16-ի կանոնադրությունը, սակայն, հանդիպեց մեծ դիմադրության։ Հայկական դպրոցների ղեկավարությունը, այդ թվում և Էջմիածնի կաթողիկոսությունը, որի իրավասության տակ էլ դրանում դպրոցների մեծ մասը, հրաժարվեց ի կատար ածել պետական օրենքի ուժ ունեցող այդ կանոնադրությունը։ Ցարական կառավարությունը դիմեց բռնի միջոցների։

1885 թվականի մարտին տրված հատուկ հրամանի համաձայն՝ ցարական ոստիկանությունը բռնի կերպով փակեց մոտ հինգ հարյուր զպրոց, փողոց չպրտվեց երեսուն հազարի չափ երկսեռ աշակերտությունը¹։

Մեզ այստեղ հետաքրքրող շրջանում ուժեղացավ ցարիզմի գաղութարար (կոլոնիզացիոն) քաղաքականությունը, ծարական կառավարությունը ուսական նոր գյուղեր հիմնեց ինչպես ամբողջ կովկասում, այնպես էլ Արեւելյան Հայաստանում, 1898 թվականին արդեն Երևանի նահանգում գոյություն ունեին 11, իսկ Կարսի մարզում՝ 19 ուսական գյուղեր։ Ժանապարհաշինարարության շնորհիվ ցարական կառավարությունը 1860—1870-ական թվականներից սկսած նոր հնարավորություններ ստացավ Անդրկովկասը տնտեսական շահագործման ենթարկելու համար։ Դրա հետևանքով 1860—1880-ական թվականներին զգալի չափով ուժեղացավ նաև ցարիզմի՝ Անդրկովկասի տնտեսական շահագործման ուղղությամբ արտահայտվող գաղութային քաղաքականությունը²։

Այլ պատկեր և այլ իմաստ ունեն արդյալին ճնշման, հալածանքի ու հարստահարության այն քաղաքականությունը, որ վարում էր սուլթանական Թյուրքիան Արևմտյան Հայաստանում՝ հայ ժողովրդի նկատմամբ։ Ինչպես մինչև 19-րդ դարի երկրորդ հիսնամյակը, այնպես էլ մեղ այստեղ հետաքրքրող շրջանում սուլթանական բռնապետության տիրապետության տակ գտնվող հայ ժողովուրդը ենթարկվում էր բիրտ ու անլուր ճնշումների, հալածանքների ու կեղեքումների։ Թյուրք սուլթանները ինչպես քրիստոնյա բոլոր ժողովուրդներին, այնպես էլ հայ ժողովրդին դիտում էին որպես կեղեքման, շահագործման առարկա։ Առաջնորդվելով «սրբազան շարիաթի» սկզբունքներով, մուսուլմանները հայերին, որպես քրիստոնյաների, համարում էին ույա, ոչխարի հոտ, որին պետք է կթել ու խուզել։ Հայը երկրի, պետության իրավազոր քաղաքացի չէր։ Նրա վկայությունը դատարանում չէր անցնում³, նա տալիս էր ավելի շատ հարկ, նա իրավունք չուներ զենք կրել, օրենքը չէր ապահովում հայերի, որպես քրիստոնյաների, կյանքը, գույքը և պատիվը։ Հայը մշտապես ենթակա էր բռնությունների ու հարստահարության, ոտնահարվում էին նրա արժանապատվությունը և նվիրական զգացմունքները, նա մշտապես ստանում էր բարոյական հարվածներ։ Ոչ 1839 թվականի Խաթը-Շերիֆը և ոչ էլ 1856 թվականի Խաթը-Հյումայունը չփոխեցին դրությունը։ Դրիմի պատերազմի տարիներին

¹ «Արևելք», 1885 թ. հոյեմբեր 12։

² Եթե 1850 թվականին Անդրկովկաս էր ներմուծվում ազրանք (զլիսավորադես ֆարբիկա) 3.809.983 ուրլու արժողությամբ, ապա 1875 թվականին՝ 8.973.860 ուրլու արժողությամբ, 1850 թ. Անդրկովկասից արտահանվել է (զլիսավորադես հում նյութ) 3.835.350 ուրլու արժողությամբ, 1875 թվականին՝ 6.262.152 ուրլու արժողությամբ։ Նշված ներմուծման և արտահանման մեջ վճռական դեր էր խաղում ուսական բարձրագույն (Н. Шафров. Обзор производственных сил Кавказского наместничества за 1879 г., Тифлис. 1880, էջ 345)։

³ 1870-ական թվականների սկզբներին Արևմտյան Հայաստանում հանապարհորդություն կատարած մի հոգեորական դրում էր. «Գյուղի մեջ, շուկայի մեջ, ամեն մեջ, ուր ըլլա ոչ մահմեդական մը, կծեծվի, կնախառվի և այլն։ Դատարան պիտի երթան, ով պիտի վկայե, անտեղ մահմեդականք չեն երթա վկայելու, ոչ մահմեդականի վկայությունը ալ չըընի։ Դատը ինքնին կկորուսի» (ՀՍԾԻ Մատենադարան, ձեռագիր № 4179, էջ 261)։ Նկատենք, որ այս ձեռագրում կան հարուստ ավյալներ արեւմտեայ ժողովրդի տնտեսական ու իրավական խիստ ծանր վիճակի մասին։

Արեմայան Հայաստանում եղած ոռոս ղեներալ-մայոր Լիխուսինը հայերի մասին գրում էր. «Նրանք իրավունք չունեն զենք կրել, մինչդեռ բոլոր մուսուլմանները զինված են և այդ պատճառով վերջիններս նրանց միշտ գրեթե անպատիժ կերպով վիրավորում են: Եւ տեսա մի քանի հայեր կարված ականջներով և քթերով, մի բան, որ արված էր ոչ թե դատարանով, այլ կամայականորեն, այս կամ այն ազգեցիկ ու հարուստ գյուղապետի (մուսուլման) կամ անգղիան դառառանի անդամի կողմից: Նրանք [հայերը] մասապես դանվում էին առանցիկ մեջ, ունեին ահաբեկվածի տեսք».¹

Արեմայան Հայաստանում 1880—1890-ական թվականներին տիրող դրության մասին էմ. Դիլլոնը ասում էր. «Հայկական հինգ զավառներում հասաատված է կառավարման գազանային սիստեմ, որի հետ համեմատած, հարավային շառանների ստրկական սիստեմի դաժանությունները հանդիսանում են միայն որպես աննշան չարաշահություններ».² Գ. Սրվանձոյանը Մուշի դրությունը պատկերում էր հետեյալ բառերով. «Ենդակներու հարձակում, արյան հոսում, ընչից ավար, ընաանյաց բռնարարություն, եկեղեցոց կողոպտում, օրինաց եղծում, կենաց դրավում...».³ 1890 թվականին Մակար կաթողիկոսին ուղարկած իրենց նամակում արեմտահայերը գրում էին. «Ո՞ր մարդկային լեզուն և ոչ ալ նորա դրիչը չեն կարող նկարագրել այս բառատեսակ օտար դժբախտությունը, որ կրած ենք և կկրենք: Մեր հայրենի հողի վրա մեր կյանքը խաղալիք է դարձած մեր իշխողներու ձեռքին, մեր կյանքը անապահով դրությանց մատնված է, մեր ընտանիքը ամոթարեր բռնությանը, մեր զավակները զոհ են դարձած կոպիտ ուժի, մեր դառն քրտինքով վաստակած հացը մեզնե կորզելու, մեր զավակներն սովամահ կոտորելու ենթարկված են. մեր եկեղեցիները կսրբապղծվեն և հրոհարակ կլինին, մեր սրբությունները չանարգվին և մեր հավաար կհայհոյվի և հոգևորականությունը ենթարկված է հինգերորդ դարում տեղի ունեցած բոլոր տառապանառ».⁴ Թյուրքիայի 19-րդ դարի պատմությունը,—գրում էր իրավացիորեն Ա. Ջիվելեզովը,—դերազանցապես քրիստոնյաների հալածանքի պատմություն է: Սինեի կերպարանք ստացած այդ հալածանքների ու հարստահարությունների մասին պերճախոս փաստեր հրապարակվեցին մամանակի մամուլի և հատկապես Կ. Պոլսի հայ պատրիարքարանի հրատարակած այն տեղեկագրերի մեջ, որոնք նվիրված էին զավառական հարստահարություններին:

Սակայն Արեմայան Հայաստանում կիրառվող ազդային ճնշումներն ու հալածանքները 19-րդ դարի երկրորդ կեսին և մասնավորապես 1877—

¹ М. Лихутин. Русские в Азиатской Турции в 1854—1855 годах, СПб., 1863, էջ 106.

² Эм. Диллон и Фр. Грим. Положение дел в Турецкой Армении и турецкие зверства в Сасуне. Москва, 1896, էջ 3.

³ «Արժիկ Տարոն»., 1864. № 1. Այդ նույն հոդվածում հեղինակ «Փափուկ ազգասեր» արեմտահայ սանձազրկաններին, Սրվանձոյանը գրում էր. «Ի՞նչ սանձազրություն, ի՞նչ թաղական խորհուրդ, ի՞նչ ազգային մողով, ի՞նչ տոաջնորդ, Պսակ չեխերու հրամանով կլինի, քահանայից իշխան սոթա են և վարիչ... Սորա են երկրի տոաջնորդ, գառավոր և այլն» (նույն տեղ):

⁴ ՀՍՍԹ Մասենդադարան, Արիթվ. կաթողիկոս. դիվան, 1890 թ., թղթապանակ 236, փաստաթուղթ № 48:

⁵ «Русская мысль», 1901, кн. 2-я, էջ 114.

1878 թվականների ռուս-թուրքական պատերազմներից հետո անհամաձայնության խստացան և նոր կերպարանք ստացան, 1850-ական թվականներից հետո սուլթանական կառավարությունն առանձին ուղղորդված դարձրեց Արևմտյան Հայաստանի վրա և հատուկ քաղաքականություն վարեց արևմտահայերի նկատմամբ: Չենք սխալվի, եթե ասենք, որ սուլթանական կառավարության՝ մինչև 1850-ական թվականները վարած ազդային ճնշման ու հալածանքի քաղաքականությունն այն չէր, ինչ նա դարձավ 1860-ական թվականներից սկսած: Ինչ նորություններ էր բերում սուլթանական կառավարության ազդային քաղաքականությունը հայերի համար 19-րդ դարի երկրորդ կեսին: Ամենից առաջ սուլթանական կառավարությունը կտրուկ միջոցներ էր ձեռք առնում կիսանկախ հայկական Ջեյթունի և Սասունի դեմ: Եթե նախընթաց շրջաններում հանդուրժվում էր այդ կիսանկախությունների գոյությունը, ապա այժմ՝ 19-րդ դարի երկրորդ կեսին վերանում է այդ հանդուրժողական վերաբերմունքը, և սուլթանական կառավարությունը հարձակման էր անցնում նրանց դեմ: Այնուհետև թուրքական իշխանությունն ամեն կերպ ձգտում էր խախտել արևմտահայերի հավաքական գոյությունը, աշխատում էր ցրել հայությունը մահմեդական ծովի մեջ: Այս նպատակն իրականացնելու համար սուլթանական կառավարությունը կատարեց վարչական մի շարք ռեֆորմներ և Արևմտյան Հայաստանում բնակեցրեց Բալկաններից ու Կովկասից թուրքիա գաղթած բաղմահազար մահմեդական բնակչություն: Սուլթանական իշխանությունն ամեն նշանավոր ձևով սկսեց սրել հայերի ու քրդերի, հայերի ու ներգաղթած շերքեղների հարաբերությունները, հրահրեց քրիստոնյա հայերի ու մահմեդականների թշնամությունը: Սուլթանական կառավարությունն անախընթաց հալածանքներ սկսեց հայ մամուլի, գրականության, հայկական բարեգործական ու կուլտուր-կրթական ընկերությունների դեմ, ծիծաղելի աստիճանի հասան գրաթնություն խստությունները: Վերջապես՝ մեղ այստեղ հետաքրքիրորդ շրջանում՝ 1860-1880 թվականներին պետական ծրագրեր կազմվեցին և գործնական քայլեր արվեցին հայկական ջարդեր կազմակերպելու ուղղությամբ: Ինչպես է, որ սուլթանական կառավարության այս նոր

¹ 1880-ական թվականներին թուրքական գրաթնությունն արգելեց գործածել հետազննում, արխիվներ, ազատություն, ուժ, իրավունք, միություն, հավասարություն, աստի, թագավոր, պայամ, գեներ, արյունահեղություն, բանապետություն և այլն բառերը (անս. Мак-Колл. Султан и державы, пер. с англ., С. Петербург, 1897, էջ 291):

² Ահա երկու օրինակ. ա) 1876 թ. դեկտեմբերի 1-ին թուրք կառավարության ցուցումներով տեղի ունեցավ Վանի նահանգային հրդեհը, բ) 1880 թ. հուլիսին Շամգիանում շեյխ Արեյդուլանի ղեկավարությամբ տեղի ունեցած թուրք շեյխերի ու խալիֆների ժողովում թուրք կառավարության անունից քրդերին առաջարկություն է արվում հայկական մեծ կոտորածներ սկսելու համար: Այդ առաջարկը սակայն, մերժվում է (տես՝ Полковник Карцов. Заметки о курдах. Тифлис, 1896, էջ 181): Թուրքական կառավարությունը գեղես 1870-ական թվականների վերջերին աշխատել է ոտքի հանել քրդերին հայկական կոտորածներ սարքելու համար: Այդ մասին հետաքրքիր տեղեկություններ է հայանում Ա. Քոխմախանը, որը Արևմտյան Հայաստանում կատարած իր ճանապարհորդության ժամանակ այն առթիվ դրույց է ունենում քրդական ցեղապետներից մեկի՝ Նուսեին աղայի հետ: Վերջինս գիմելով Քոխմախանին, ասում է. «Ձեր խնդիրը (հայկական հարցը, Մ. Ն.) երևան գալուց զվերի (Բեռլինի կոնգրեսից հետո, Մ. Ն.) թուրքերը մեծ բարեկամություն սկսեցին ցույց տալ մեզ և մեր ձեռքով կամենում էին կրակ բռնել, այդ աշխարհը որքան հայերից: Դուրս համար չառ մեծ գաղանի աշխատություններ են եղել և լինում են»: (Ա.

քաղաքականության հետևանքով ավելի ու ավելի էին խստանում ազգային ճնշումները, հալածանքները ու բռնությունները հայ բնակչության նկատմամբ: Ինչով բացատրել այն հանգամանքը, որ սուլթանական կառավարությունը 1850-ական թվականներից սկսած ուժեղացրեց ազգային ճնշման ու հալածանքի իր քաղաքականությունը Արևմտյան Հայաստանում և ընդհանուր հարձակման անցավ արեւմտահայերի վրա: Մենք կարծում ենք, որ այս երևույթը բացատրվում է հետևյալ չորս պատճառներով:

1. Մինչև 1860-ական թվականները՝ 19-րդ դարի ամբողջ առաջին կեսի ընթացքում Արևելյան փաշայությունների (Արևելյան Անատոլիայի) հետ կապված ամենահիմնական հարցը, որ դրադեցնում էր թյուրքական կառավարությանը, քրդական ցեղերի անկախ և կիսանկախ դրության վերացման հարցն էր: Թյուրքական կառավարությունը ձգտում էր իրեն ենթարկել քրդական աշիրեթությունները, որոնք այն ժամանակ հանդիսանում էին ամենախոշոր և ամենավտանգավոր կենտրոնախույս ուժերը արևելյան փաշայություններում: Եվ սուլթանները զգալի հաջողություններ ունեցան այդ ուղղությամբ: 1834 թվականին Մահմեդ Իեշիդ փաշայի բանակը, որ կազմված էր արաբական զորքերից ու նոր էր վերադարձել Եգիպտոսից, ծանր հարված հասցրեց Բայազեդի ու Վանի գավառների քրդական ապստամբ ցեղերին: Երկրորդ մեծ հարվածը տրվեց 1845—1846 թվականներին, երբ քրդական ցեղերը թյուրքական կառավարության դեմ ապստամբություն բարձրացրին Բադիի խանի ղեկավարությամբ: Այս ապստամբությունը ամենայն խստությամբ ճնշվեց Մուսուլի, Դիարբեքի, Վանի և Էրզրումի փաշաների միացյալ ուժերով: Քրդական վերջին խոշոր ապստամբությունը տեղի ունեցավ Ղրիմի պատերազմի ժամանակ՝ 1854—1855 թվականներին, Եղզանլիի գլխավորությամբ: Քրդական շարժումը հսկայական ծավալ ընդունեց, սակայն վերջիվերջո ճնշվեց ամենայն խստությամբ: Եղզանլիի ապստամբության ճնշումից հետո այլևս տեղի չունեցան հակասուլթանական նոր խոշոր շարժումներ: Քրդական ցեղերը հպատակվեցին թյուրքական կառավարությանը, վերացավ այն անկախ վիճակը, որ մինչ այդ ունեին քրդերը: Ժիշտ է, 19-րդ դարի ամբողջ երկրորդ կեսի ընթացքում ևս քրդական որոշ ցեղեր թույլ կերպով էին կապված սուլթանական կառավարու-

թանության, «Մասիս լեռների հարավային ստորոտները, Բժառ, Հրապարակախոսություն, Թիֆլիս, 1882, էջ 31): Մ. Խրիմյանը 1877 թ. գրում էր. «Տերությունը զբյուրդն ի գեն կկոչէ» («Հայդուխ», 4. Դեկտ., 1877, էջ 13). «Արևազանք»-ի հոդվածագիր Ա. Խաչատրյանը 1883 թ. գրում էր. «Մի հայանի փասա է, որ թյուրք կառավարությունը ամենայն ջանք դրած է դնում ճանկահայաստանում եղած հայ ազգընդհանուր նվազեցնելու համար: Վերջին ժամանակները նորա առանձին ուղադրությունը այս ահեղակեանքից դարձրել է յուր վրա չին Բայազեդի փաշայությունը» («Արևազանք», 1883 թ., № 3):

¹ Ինչպես վկայում է Մալկումը, 19-րդ դարի սկզբներին Արևմտյան Հայաստանի տերիտորիայի վրա ապստամբ քրդական զբոսի բուր ցեղերն էլ անկախ էին (տես՝ Malcolm's, History of Persia (modern), 1888, էջ 72—73).

² Полковник Карцов. Заметки о курдах. Тифлис, 1896, էջ 15. Հմմտ. Промтер. Мало-Азиатские курды. Тифлис, 1886, էջ 24.

³ П. И. Аверьянов. Курды в войнах России с Персией и Турцией в течение XIX столетия. Тифлис, 1900, էջ 81—82.

⁴ М. Лихутин. Русские в Азиатской Турции в 1854 и 1855 годах. СПб., 1863, էջ 236. Հմմտ. Акты, собранные Кавк. археологич. ком. т. XI. Тифлис, 1888, էջ 386.

թյան հետ և երբեմն կիսանկախ վիճակ էին ստեղծում իրենց համար, սակայն այդ արդեն որևէ լուրջ վտանգ չէր ներկայացնում թյուրքական կառավարության համար: Բրդական ցեղերն ընդհանուր առմամբ ընդունում էին թյուրք սուլթանների գերիշխանությունը: Ավելին, նրանք կույո գործիք էին դառնում սուլթանական կառավարության ձեռքին: Այսպիսով՝ քրդական ապստամբ ցեղերի հետ կապված այն հարցերը, որոնք խիստ մտահոգում էին թյուրքական կառավարությանը 19-րդ դարի առաջին կեսին, այլևս գոյություն չունեին նույն դարի երկրորդ կեսին: Այս հանգամանքը խոշոր աղդեցություն ունեցավ արևմտահայ ժողովրդի նկատմամբ սուլթանական կառավարության վարած քաղաքականության վրա: Քանի դեռ լուծված չէր քրդական հարցը և չէին ճնշվել քրդական շարժումները, սուլթանական կառավարությունը հատուկ և ակտիվ քաղաքականություն չէր վարում արևմտաստյերի նկատմամբ: Արևմտահայ ժողովրդի տնտեսական ու իրավական վիճակը նույնն էր, ինչ որ ուներ ռուսական ընդհանրապես օսմանյան կառավարության մոտ: Բնորոշ է, օրինակ, որ Բաղիր խանի 1845—1846 թվականների քրդական ապստամբության ժամանակ Վասպուրականի հայ բնակչությունն օգնում է թյուրքական կառավարությանը և գործունե մասնակցություն է ունենում քրդական այդ ապստամբությունը ճնշելու գործում: Բնորոշ է նաև այն, որ, ինչպես հայտնում է Մուսկեն, 1830-ական թվականներին թյուրքական զորքերի գլխավոր հրամանատար Ղազի փաշան ծրագիր էր կաղմում թյուրքական կանոնավոր զորքերի շարքում ընդունել հայերին: Այս շրջանում թյուրքական կառավարությունն առանձին ուշադրություն չէր դարձնում արևմտահայերի վրա: Սակայն դրությունը փոխվում է 1850-ական թվականներից հետո: Հիմնականում լուծած լինելով քրդական խնդիրը, սուլթանական կառավարությունն իր հարվածներն ուղղում է արևմտահայության դեմ:

2. Արդեն 1840—1850-ական թվականներին ազգայնական ծրագրերով հանդես եկավ թյուրքական բուրժուազիան: Նրա հիմնական նշանաբաններն էին՝ անձեռնմխելի պահել թյուրքական կայսրության ամբողջականությունը, վճռական միջոցներ ձեռք առնել քրիստոնյա ժողովուրդների քաղաքական-ազատագրական շարժումների դեմ և թյուրքական կայսրությունը դարձնել թյուրքերի երկիր: Թյուրքական բուրժուազիայի այս քաղաքական ծրագրերի իրականացման համար 1868 թվականին ստեղծվեց «Իթթիհատ» կազմակերպությունը, որի հիմնադիրներն էին մուլի թյուրքեր, մուլի նացիոնալիստներ²: Իթթիհատը առաջադրեց «Թյուրքիան թյուրքերին» լոզունգը, լայնորեն ծավալեց համիսլամականության և համաթյուրքյան գաղափարների պրոպագանդան, բացահայտ կերպով քարոզեց քրիստոնյա ժողովուրդների, այդ թվում և հայ ժողովրդի սիստեմատիկ բնաջնջման անհրաժեշտությունը

² Թյուրքական կառավարությունն օգտագործում էր քրդերին հայկական կոտորածներ կազմակերպելու համար, բայց հաճախ քրդերի անվան տակ գործում էր թյուրքական կանոնավոր զորքի: Այս երևույթն առանձնապես աչքի ընկավ Սասունի 1894 թվականի կոտորածների ժամանակ (տես՝ E. A. Bravley Hodgkiss, Round about Armenia, London, 1896, էջ 100):

³ Helmut von Moltke, Briefe über Zustände und Begebenheiten in der Türkei aus den Jahren 1835 bis 1839, Berlin, 1877.

⁴ «История XIX века» под ред. Лависса и Рамбо, т. VI, Москва, 1938, էջ 121:

և այլն: Թյուրքական բուրժուազիայի ու նրա քաղաքական կազմակերպության այս պահանջները, իհարկե, հաշվի առավ սուլթանական կառավարությանը, իսկ Արդուլ Համիդը, որ դա՛ն քարձրացավ 1876 թվականին, ամենայն հետևողականությամբ սկսեց կիրառել Իթթիհատի ծրագիրը¹:

3. 19-րդ դարի առաջին հիսնամյակի ընթացքում նվրոպական Թյուրքիայում տեղի ունեցած սլավոնական ժողովուրդների ազատագրական շարժումները, ապա Հունաստանի, Սերբիայի և Դանուբյան իշխանությունների անջատվելն ու ազատագրումը Թյուրքիայից՝ խիստ վախի մեջ էր գցել սուլթանական կառավարությանը: Վերջինս այդ վախի ազդեցության տակ որոշում է ընդունում կտրուկ միջոցներ ձեռք առնել Ասիական Թյուրքիայի քրիստոնյա ժողովուրդների նկատմամբ, որպեսզի սրանք չհետևեն քաղաքական քրիստոնյաների օրինակին: Որքան ուժեղանում էին նվրոպական Թյուրքիայի քրիստոնյա ժողովուրդների հակասուլթանական ազդային-ազատագրական շարժումները, այնքան խիստ միջոցներ էին ձեռնարկվում Ասիական Թյուրքիայի քրիստոնյա ժողովուրդների, այդ թվում նաև հայ ժողովրդի նկատմամբ: Սուլթանական կառավարության վախն ավելի էր ուժեղանում և դրա հետևանքով ասիական քրիստոնյաների նկատմամբ խիստ միջոցներ էին ձեռնարկվում նաև այն պատճառով, որ 1850-ական թվականներին և մասնավորապես Լրիմի պատերազմին հաջորդող Փարիզի դաշնագրից հետո արանսիան քավական ակտիվ, կարելի է ասել, ագրեսիվ քաղաքականություն էր վարում Մերձավոր Արևելքի նկատմամբ:

4. 1860-ական թվականների սկզբներից հակասուլթանական, ազդային-ազատագրական շարժման մի նոր ակիք սկսվեց արևմտահայ իրականության մեջ: Այս քանը չէր վրիպում սուլթանական կառավարության ուշադրությունից: Հայ ազգային-ազատագրական այդ շարժումը ճնշելու և նրա հետագա զարգացումը կանխելու նպատակով Թյուրքական սուլթանները ձեռնարկում էին խիստ ու դաժան միջոցառումներ:

Մենք թվեցինք այն հանդամանքները, որոնք պայմանավորեցին հայերի նկատմամբ սուլթանական կառավարության կողմից 19-րդ դարի երկրորդ կեսին կիրառվող ազգային ճնշման քաղաքականությունը: Իհարկե, այդ քաղաքականությունը բողոքովին նոր չէր, նրա տարրերը մենք տեսնում ենք 19-րդ դարի առաջին կեսին և նախընթաց շրջաններում: Թյուրք սուլթանների ընդհանուր օրենքները մշտապես անլուր հայաժանքների ու հարսաահարությունների աղբյուր են հանդիսացել ինչպես քրիստոնյա բոլոր ժողովուրդների, այնպես էլ հայ ժողովրդի համար: Իայց այնուամեն-

¹ Խիստ բնորոշ է, որ դեռևս 1860-ական թվականներին սուլթանական կառավարությունը վարում էր պետական ապարատը և ռազմական արդյունաբերական ձեռնարկությունները հայերից մաքրելու քաղաքականություն: Այդ մասին «Համբավաբեր Ռուսիո» հանդեսում կարդում ենք. «Գրեթե ութուներորդի մասը ի վեր օսմանյան պետության վառողաշինությունը Հայոց հանձնված էր, բնդ վերատեսչությամբ Տատյան աղնվառանձ գերդաստանին, Այժմ Բ. Գուան արժան համարեր է վառողարանի վերատեսչությունը նույն գերդաստանին տանուլ և հայ աշխատավորաց թով Թյուրք գինվորներ զնել և նույն աշխատավորներն ստիպել, որ անոնց հետ դործեն և վառողաշինության արհեստն ուսուցանեն անոնց, որպեսզի հետո հայերը բոլորովին տրտաթան վառողարանեն» («Համբավաբեր Ռուսիո», 1863, № 48, էջ 3):

² А. Джигорев. Будущее Турецкой Армении. Москва, էջ 10.

նայնիվ 19-րդ դարի երկրորդ կեսում հայերի նկատմամբ սուլթանական կառավարության վարած ազգային ճնշման քաղաքականությունն ունի էական տարբերություններ նախընթաց շրջանի քաղաքականությունից, տարբերություններ, որոնք ավելի էին ծանրացնում և անհանդուրժելի դարձնում արևմտահայ ժողովրդի դրությունը¹։

Նախընթաց էջերում մենք նշեցինք, որ Արեւելյան և ավելի թույլ ձեւով Արեւմտյան Հայաստանը 19-րդ դարի երկրորդ կեսին ապրում էին ֆեոդալիզմի քայքայման և կապիտալիստական հարաբերությունների ձևավորման ու զարգացման շրջան։ Երկրի ներսում կատարվող սոցիալ-տնտեսական այս պրոցեսների հիման վրա տեղի ունեցավ մեղ ալիտեղ հետաքրքրող շրջանի հայ իրակսնությունն ամենախոշոր երևույթներից մեկը՝ հայ ազգության կազմավորումը։ Դեռևս 1913 թվականին իր «Մարքսիզմը և ազգային հարցը» հոշակավոր աշխատության մեջ Ի. Վ. Ստալինը գրում էր, թե «Վրաստանը որպես ազդ երևան եկավ միայն 19-րդ դարի երկրորդ կեսին, երբ ռուսատիրության անկումը և երկրի տնտեսական կյանքի աճումը, հաղորդակցության ճանապարհների զարգացումը և կապիտալիզմի առաջացումը աշխատանքի բաժանում հաստատեցին Վրաստանի մարզերի միջև, բոլորովին սասանեցին իշխանությունների տնտեսական ինքնամոփոխությունը և նրանց կապակցեցին որպես մի ամբողջություն»։ Այնուհետև խոսելով Արեւելյան Եվրոպայի մի շարք ժողովուրդների՝ որպես ազգություններ կազմավորվելու ուրույն պրոցեսի մասին, Ի. Վ. Ստալինը գրում էր. «Այն ժամանակ, երբ Արեւմուտքում ազգերը զարգացան իբրև պետություններ, Արեւելքում կազմավորվեցին ազգամիջյան պետություններ, որոնք բաղկացած են մի քանի ազգություններից... Երեսաստանում ազգերի միավորիչ գերն իրենց վրա վերցրին վելիկոռուսները, որոնց գլուխն էր կանգնած պատմականորեն կազմավորված, ուժեղ և կազմակերպված ազնվական զինվորական բյուրոկրատիան... Պետությունների գոյացման այս յուրահատուկ եղանակը կարող էր տեղ գտնել տակավին չվերացված ֆեոդալիզմի պայմաններում միայն, թույլ զարգացած կապիտալիզմի պայմաններում միայն, երբ գեպի հետին պլան քշված ազգությունները դեռևս չէին կարողացել տնտեսապես կոնսոլիդացիայի ենթարկվել իբրև ամբողջական ազգեր։ Բայց կապիտալիզմը սկսում է զարգանալ նաև արևելյան պետություններում։ Զարգանում են առևտուրը և հաղորդակցության ճանապարհները։ Առաջանում են խոշոր քաղաքներ։ Ազգերը տնտեսապես կոնսոլիդացիայի են ենթարկվում։ Եւտ մզված ազգությունների անդորր կյանքի մեջ ներխուժած կապիտալիզմը խոռվահույզ է անում այդ ազգություններին և նրանց շարժման մեջ գնում։ Մամուլի ու թատրոնի զարգացումը, ռայիսրատի (կոստրիայում) և դումայի (Ռուսաստանում) գործունեությունը նպաստում է ազգային զգացմունքների ուժեղացման։ Մենք տեսնում ենք ինտելիգենցիան տոգորվում է ազգային զաղափարով և

¹ Իրան գաղութով կարելի է կարգաւ թուրք-ֆինների այն պնդումը, թե թուրքիայում 19-րդ դարում ինչպես հայերը, այնպես էլ հույներն ու սլավոնները ունեին լայն ազատություններ ու ավանուժիւ (տե՛ս՝ Турецкий сборник., С. Петербург, էջ 83)։

² И. Сталин. Марксизм и национально-колониальный вопрос. Сборник избранных статей и речей. М., Партиздат, 1938, էջ 6.

այդ իսկ ուղղութիւնում էլ գործում է... Բայց ինքնուրույն կյանքի համար արթնացած ետ մղված ազգերն արդեն իրրև անկախ ազգային պետութիւններ չեն կազմավորվում, նրանք իրենց ճանապարհին ամենաուժեղ դիմադրութեան են հանդիպում այն իշխող ազգերի ղեկավար խավերի կողմից, որոնք վաղուց արդեն պետութեան գլուխ են կանգնած: Ուժեղացել են... Այսպես կազմավորվում են իբրև ազգեր՝ չեխերը, լեհերը և ուրիշները Ավստրիայում, իրվաթները և ուրիշները՝ Հունգարիայում, լատիշները, լիտվացիները, ուկրաինացիները, վրացիները, հայերը՝ և ուրիշները Ռուսաստանում:՝

Վերև բերված քաղաքներից երեւում է, որ ընկեր Ստալինը առանձին տարբերութիւն չի դնում վրաց և հայ ազգութիւնների կազմավորման պրոցեսների միջև՝ ոչ այդ պրոցեսների սոցիալ-դասակարգային գործոնների և ոչ էլ ժամանակի տեսակետից: Իսկ այստեղից ինքնաբերաբար պետք է հետևեցնել, որ ինչպես վրաց, այնպես էլ հայ ազգութեան կազմավորումը տեղի է ունեցել 19-րդ դարի երկրորդ կեսին: Պատմական փաստերը ամբողջութեամբ հաստատում են այդ միտքը: Հիրավի, ինչպես տեսանք, ազգութեան կազմավորման համար անհրաժեշտ նախադրյալ հանդիսացող կապիտալիստական հարաբերութիւնները առկա էին Հայաստանում 19-րդ դարի երկրորդ կեսին: Իսկ 1850—1860 թվականներին ծաղկում, զարգանում է հայ մամուլը, թատրոնը, հրապարակ է դալիս ազգային գաղափարներով տոգորված հայ ինտելիգենցիան, հայ լուսավորական շարժումը հասնում է իր զարգացման ամենաբարձր աստիճանին և վճռական հաղթանակ տանում հայ իրականութեան ռեակցիոն ուժերի նկատմամբ, ձևավորվում ու քաղաքացիական իրավունք է ստանում աշխարհաբար գրական լեզուն, զարգանում է նոր, աշխարհիկ դրականութիւնը, կատարվում են դպրոցական բարենորոգումներ, հիմնվում են գրական-կուլտուրական-կրթական մի շարք ընկերութիւններ և այլն: Իժմար չէ ըմբռնել, որ 1850-60-ական թվականների կուլտուրական վերածնութիւնը ոչ այլ ինչ էր, բայց եթե հայ ազգութեան կազմավորման պրոցեսի գաղափարական, գրական-կուլտուրական արտահայտութիւնը:

Ազգութեան կազմավորման արտահայտութիւններից է նաև այն նշանակալից հանգամանքը, որ արդեն 1850-60-ական թվականներին տեղի է ունենում հայութեան երկու հատվածների՝ արևելահայերի ու արևմտահայերի մերձեցումը: Ինչ մերձեցումն առանձնապես նկատվում էր հայ մտավորականութեան ու հասարակական-քաղաքական գործիչների միջև:

Հայ ազգութեան կազմավորումը և դրա արտահայտութիւնը հանդիսացող մտավոր-կուլտուրական վերածնութիւնն արդյունք էին, իհարկե, նախ և առաջ երկրի ներսում կատարվող սոցիալ-տնտեսական պրոցեսների: Սակայն չի կարելի աչքաթող անել և արտաքին ազդեցութիւնների

1 Ընդգծումը իմն է. Մ. Ն.

2 И. Сталин, Марксизм и национально-колониальный вопрос. Сборник избранных статей и речей. М., Партиздат, 1938, էջ 10—11.

3 «Ծաղիկ» պարբերականը 1861 թ. հայտնում էր խիստ բնորոշ այն փաստը, թե Ջուլեանիայի հայ երիտասարդութեան նշանաբանն է՝ «Ասածուց հետո հայրենիք» («Ծաղիկ», 1861 թ. № 1):

դերը: Ղրիմի պատերազմը (1853--1856) ու նրան հաջորդող «Անուղիտ» սխտուացիան Ռուսաստանում, ռուսական առաջավոր հոսանքների լայն գործունեությունը, Մադձինիի ու Գարիբալդիի գլխավորած իապական ազգային-ազատագրական շարժումները, սուլթանական թյուրքիայի դեմ քաղկանյան ժողովուրդների և մասնավորապես սլավոնների ազատագրական շարժումները, 1877—1878 թվականների ռուս-թյուրքական պատերազմը և այլն՝ մեծ չափով խթանեցին հասարակական-քաղաքական և մտավոր-կուլտուրական այն երևույթների զարգացմանը, որոնք կապված էին հայերի, իբրև ազգության, կազմավորման պրոցեսի հետ: